

Оноре де Бальзак

ГОБСЕК

ҚИССА

Mирзиёд Мирзоидов ва Маҳкам Maҳмудов таржималари

ТОШКЕНТ

ҒАФУР ҒУЛОМ НОМИДАГИ АДАБИЁТ ВА САНЪАТ НАШРИЁТИ

1981

ГОБСЕК

БАРОН БАРШ ДЕ ПОНОЭНГА

Вандом колледжининг барча талабаларидан, чамаси, ёлғиз икковимиз — сену мен адабиёт соҳасини танлабмиз — фақат De virtis¹ саҳифалари билангина машғул бўладиган чоқларимизда ўзимизни фалсафага уриб чакки қилмаган эканмиз. Биз сен билан — мен мазкур қиссани ёзётган, сен эса немис фалсафаси ҳақида ажойиб асарларингни яраттаётган пайтингда яна учрашдик. Хуллас, икковимиз ҳам ўз эътиқодимизга содиқ қолдик. Бу асрда ўз номингни кўриш, мен учун уни қоғозга битиш нақадар кўнгилли бўлгандек, сенга ҳам шунчалик кўнгилли бўлади, деган умиддаман.

Қадрдон мактабдош дўстинг ДЕ БАЛЬЗАК.

Кунлардан бир кун 1829—1830 йил қишида виконте́сса де Гранлье меҳмонхонасида унга ети ёт бегона икки меҳмон соат кечаси биргача қолиб кетди. Меҳмонлардан бири чироили, навқирон йигит камин устидаги соат бонг урганини эшишиб, шоша-пиша хайр-хўшлаши. Ҳовлида фойтуннинг гилдираклари тақиrlаганда, виконте́сса пикет² ўйинни тутгатаётган укасию оила дўсти қолганини кўргач, қизининг ёнига келди: қизи камин олдидаги турар ва ўзини камин панжарасидаги нақшларни берилиб томоша қилаётганга солар, бироқ, аслида, узоқлашиб бораётган фойтуннинг овозига қулоқ тутарди. Бу ҳол онанинг гумонини тасдиқлади.

— Камилла, агар сен бундан кейин ҳам граф де Ресто билан бугун кечқурундаги каби муомала қилсанг, мен уйдан унинг қадамини узиб юбораман. Менга қулоқ сол, қизим, агар менинг самимий меҳр-муҳабатимга ишонсанг, ҳаётда сенга йўл-йўриқ кўрсатишинга ижозат эт. Қиз бола ўн ети яшарлигида на ўтмишни, на келажакни ва на жамиятнинг баъзи талабларини идрок эта олади. Эътиборингни бир нарсага жалб этмоқчиман: жаноб де Рестонинг миллион сўмлик мол-дунёни паққос ютиб юборадиган зоти паст онаси бор. Унинг қизлиқдаги фамилияси Горио эди, ёшлигида ўз ахлоқи туфайли кўп гап-сўзларга қолган. У отасини хор қилган, жаноб де Рестодек хушахлоқ ўғилга она бўлишга у номуносиб. Ёш граф уни жон-дилидан яхши кўради, ўғиллик меҳр-муҳабати билан уни авайлаб-асрайди. Бу иши ҳар қанча мақтовга лойиқ, унинг синглиси ва укасига ғамхўрлигини айтмайсизми! Хуллас, у бағоят хушахлоқ, лекин,— деб ило-

¹ Devīris illustribus (латин.) («Машҳур арбоблар») — асосан саркарда-ларнинг таржимиҳа ҳоллари баён қилинган хрестоматия.

² Пикет — карта ўйинининг бир тури. [Тарж.]

ва қилди виконтеSSа чеҳрасига айёrona тус бериб,— онас ҳаёт экан, биронта бообрӯ хонадондаги ота-она бу ўкта йигитга қизининг истиқболини ва сепини ишониб топшириш га журъат этолмайди.

— Мадемуазель де Гранлье билан қилган суҳбатингиздан баъзи сўзлар қулоғимга чалинди, шу боис суҳбатингизга қўшилмоқчиман!— деб хитоб қилди юқорида номи зикр этилган оила дўсти.— Мен ютдим, граф,— деб мурожаат қилди у шеригига.— Сизни ўз холингизга қўйиб, жиянингизга мадад беришга ошиқаман.

— Қойил, минг қилсаям адлиячисиз да¹,— деб юборди виконтеSSа.— Қадрли Дервиль, Камиллага айтган гапларими ни қандай қилиб эшита қолдингиз?! Мен у билан жуда секин шивирлаб гаплашгандим.

— Мен нима деганингизни кўзларингиздан билдим,— деб жавоб берди Дервиль, камин ёнидаги чуқур курсига ўтираётиб.

Камилланинг тоғаси жиянининг ёнига ўтирди, де Гранлье хоним эса, қизи билан Дервиль ўртасидаги пастак юмшоққи на курсига чўқди.

— ВиконтеSSа, мен сизни граф Эрнест де Рестога муносабатингизни ўзgartиришга мажбур этувчи бир воқеани сўзлаб беришимга фурсат етди.

— Воқеани?!— деб хитоб қилди Камилла.— Тезроқ сўзланг, жаноб Дервиль.

Адлиячи де Гранлье хонимга назар ташлади, бундан у ҳикоя унинг учун қизиқ бўлишлигини фаҳмлади. ВиконтеSSа де Гранлье насл-насабининг бадавлатлиги ва номдорлариги билан Сен-Жермен даҳаси атрофидаги энг мўътабар бегойимлардан бири эдики, албатта қандайдир парижлик адлиячининг у билан бемалол гаплашиши ва унинг меҳмонхонасида ўзини эркин тутиши ғалати кўринарди. Лекин бу сирни ечиш жуда осон. Де Гранлье хоним қиролнинг оиласи билан Францияга қайтиб келгач, Парижда жойлашган ва дастлабки кунларда фақат Людовик XVIII, Цивильний лист² ҳисобидан белгилаган нафақага тирикчилик ўtkazганди. Бу унинг дилини қаттиқ оғритган эди. Адлиячи Дервиль Республика ўша вақтда Гранльенинг данғиллама уйини сотганида жузъий хатога йўл қўйганини тасодифан кўриб қолади-ю, бу уй виконтеSSасага қайтарилиши керак, деб талаб қиласиди. ВиконтеSSасининг топшириғи билан у суд мажлисида қатнашади ва ишни ютиб чиқади. Бу муваффақиятдан да-

¹ Адлиячи (стряпчий) — суд вакили, бирон оиланинг ёки бирон шахснинг хукуқини давлат муассасаларида, маҳкамларида ҳимоя қилувчи ишончли вакили. [Тарж.]

² Цивильний лист — давлат бюджети томонидан подшо ва сарой харажати учун ажратиладиган мабләғ.

тиллашган Дервиль кексалар уйи билан жанжалли суд иши бошлади ва Лиснэдаги ўрмонзорларни виконтессага қайтаришига муваффақ бўлди. Кейин унга Орлеан каналининг бир неча акциясига ва император жамоати муассасаларига ҳадя қилган ажабтовур катта биноларга эгалик ҳуқуқини олиб берди. Де Гранлье хонимнинг бойлиги эпчи, навқирон вакил шарофати билан тикланди ва йилига олтмиш минг франк ларомад келтира бошлади, бу ёқда яна муҳожирлар кўрган зарарларни тўлаш ҳақида қонун чиқиб қолди-ю, у жуда катта пул олди. Инсоф-диёнатли, билимдон, камтар ва назо-катли адлиячи Гранлье оиласининг дўсти бўлиб қолди. У ўз назокати ва сертавозелиги билан де Гранлье хонимга садо-қати ва ҳурмат-эҳтироми билан Сен-Жермендаги энг бообру хонадонларида янги мижозлар топди. Бироқ йигит баъзи из-затталаб одамлар каби уларнинг илтифотини сусистемол қилмади. У ҳатто виконтессанинг, конторангизни сотинг ва адлия маҳкамасига ўтинг, бу ерда менинг ҳимоятим соясин-да тез вақт ичидан мартабали бўлиб кетасиз, деб қилган так-лифини ҳам рад этди. У ора-сира де Гранлье хонимнинг уйида кечқурунлари бўлишини ҳисобга олмагаида, «юқори табақага» мансуб одамлар орасида фақат алоқани тиклаш учун кўриниб қоларди. Адлиячи де Гранлье хоним манфаатларини жон-жаҳди билан ҳимоя қилар экан, ўзини баҳти ҳисоблар, бу билан ўзининг ҳам қобилиятини намойиш қилар эди. Йўқса, контораси завол топиши муқаррар эди. Зоро, унда адлиячиларда бўладиган олғирлик йўқ эди. Граф Эриест Ресто виконтессанинг уйида кунда-шунда бўлиб қолганидан бери, Дервиль Камилланинг бу йигитга кўнгли борлигини фаҳмлаб, де Гранлье хонимнинг меҳмонхонасидан аrimай қолди. Унинг бу қилиги куни кеча Сен-Жермен зодагонлар жамиятига кира олишга рухсат олган Шоссе д'антенлик олифтани эслатарди. Таъриф этилган кечадан бир неча кун аввали Дервиль балда мадемуазель де Гранльени учратиб қолди ва графни имлаб кўрсатиб деди:

— Афсуски, бу йигитчанинг икки-уч миллиони йўқ! Тўғрими?

— Нима учун афсус? Мен буни баҳтсизлик деб ўйламайман,— деди қиз.— Жаноб де Ресто жуда қобилиятли, маъ-лумотли одам. Ҳозир у министр ихтиёрига юборилган. Министр уни ҳурмат қилади. Ундан ажойиб арбоб чиқишига мен заррача шубҳаланмайман. Бу «йигитча» катта мансабга минса, бойлик ўз-ўзидан келаверади унинг қўлига.

— Ҳа, лекин ҳозирнинг ўзида бадавлат бўлганда эди!

— Бадавлат бўлгандами?— деб тақрорлади Камилла аиордек қизариб.— Унда бу ерда танца тушаётган қизларнинг ҳаммаси уни хомталаш қилиб юборарди,— деб илова қилди у кадрилга танца тушаётган қизларни кўрсатиб.

— Ана унда,— деди адлиячи,— мадемуазель де Гранлье

унинг нигоҳини ўзига тортаётган ёлғиз оҳанрабо бўлмасди. Қизарив кетдингиз чоги? Бунинг боиси не экан? Унга кўнглингиз борми? Айтаверинг...

Камилла курсидан енгил дик этиб турди.

«Уни севиб қолибди», деб ўйлади Дервиль. Шу кундан бошлаб Камилла Эрнест де Рестога мойиллигини Дервиль маъқуллаганини фаҳмлаб унга алоҳида ҳурмат кўрсата бошлади. Шу асногача у гарчи оиласи кўп нарса учун Дервилдан миннадор эканлигини билса ҳам, уни ҳурмат қилишга қиласди-ю, лекин астойдил дўстлик меҳри билан севмасди, шу боис у билан муомалада самимиликдан кўра кўпроқ илтифот сезилиб турар эди. Унинг хатти-ҳаракатларида ва гап-сўзларида ораларидаги тафовутни кўрсатиб турувчи алланарса бор эдики, буни зодагонлар ўрнатган ва у зодагонча мулозамат деб аталар эди. Миннагдорлик — бу қарз, турган гапки, уни болалар мерос сифатида ота-оналаридан асло бажонидил қабул қилиб олмайдилар.

Дервиль-фиркаларини бир жойга жамлаш учун пича сукут сақлади, сўнг гап бошлади:

— Бугунги кеча ҳаётимда атиги бир марта бўлиб ўтган ишқий можарони эсимга туширди... Мана сиз, қизиқ, адлиячининг ҳам бошига ишқ савдоси тушган экан-да, деб куляпсиз. Ахир мен ҳам бир вақтлар йигирма беш яшар йигит эдим, ўша ёшлик чоқларимда анча-мунча ажойиб ишларининг шоҳиди бўлганман. Даставвал мен сизга ҳикоямда қатнишадиган бир одам тўғрисида сўзлаб бериним керак, турган гапки, сиз уни танишингиз мумкин эмас,— гап бир судхўр ҳақида боради. Менинг сўзларимдан сиз у одамнинг афти башарасини кўз олдингизга келтира оласизми, йўқми, билмайман, лекин Академиянинг ижозати билан уни моҳирухсор деб аташга тайёрман, зеро рухсорининг оқини, саргиналиги зарҳали кўчган кумуш рангини эслатарди. Судхўримнинг сочлари тиққайган, мудом ҳафсала билан тараалған, расмана оқарган, кулранг кўкимтири эди. Юзининг тархлари худди Талейранникидек¹ безрайган, шавқсиз, гўё бронзадан қўйилганлек туюларди. Қўзлари кичкина, сассиқ кўзанникидек сариқ, қарийб киприксиз, ўткир ёруққа тоб беролмас, шу боис, соябони катта, уринган кárтуз кийиб юради. Узун бурнининг уни чўтири, пармачага ўхшар, лаблари кимёгарлар, Рембрандт ва Метсу суратларидаги кўҳна чолларникидек юпқа эди. Бу одам секин, майнин гапиради, ҳеч қаҷон қизишмасди. Унинг ёшини аниқлаш маҳол эди: шунча умр кўриб у кексайганми ёки яхши сақлангану абадулабад ёшдек бўлиб қолаверадими, зинҳор-базинҳор тушунолмасдим. Унинг хонасидаги ҳам-

¹ Талейран Шарль Морис (1754—1838) — француз дипломати ва сиёсий арбоби. У ўта тутуруқсизлиги билан ном чиқарган. Наполеон I ва Реставрация даврида ташки ишлар министри бўлған.

ма нарса: ёзув столига ёпилган яшил мовутдан тортиб каравот олдига солинган гиламчагача топ-тоза қилиб қўйилган эди. Кўринг-кўрманг, худди кун бўйи бефайз ошёнида ҳаммаёқни супуриб-сириб, мебелни мум билан артиб юрувчи қари қиз уйининг ўзгинаси эди. Қишида каминда кул билан қопланган чўғ аста тутаб турар, ҳеч қачон гуриллаб ёнмасди. Кўзини очганидан то йўтули тутадиган кечга довор унинг ҳаракатлари соат капгири сингари бир маромда бўларди. У бамисоли эрталаб бураб қўйиладиган одам-автомат эди. Агар қоғоз устида судралиб бораётган эшакқуртига қўл теккиссангиз, у бир зум тўхтаб қолади ва тошдек қотади: бу одам ҳам суҳбат пайтида дераза тагидан ўтиб бораётган фойтуннинг шовқини тинишини кутиб, бирдан сукутга чўмар, сабаби, овозини баланд кўтаришни истамасди. Фонтенель¹ сингари ўзидағи барча инсоний ҳис-туйғуларни жиловлаб ҳаётий кучни тежар эди. Хуллас, унинг ҳаёти қадими қум соатда бир текис тўкиладиган қумдек осойишта ўтарди. Баъзан унинг домига илинганилар аччиқланишар, қаттиқ қичқиришар, сўнг бирдан ошхонада ўрдак сўйгандан кейин бўладиган сукунат чўкарди. Кечга бориб вексель-одам оддий одам бўлиб қолар, кўксидаги бир парча темир инсон юрагига айланар эди. Бордию у ўтган кундан кўнгли тўлса, қўлини ишиқалар, юзини ўргимчак ини каби қоплаган чуқур ажинлардан қувонч нури таралаётгандек бўларди,— рост, унинг унсиз илжайини, юзининг мушаклари ҳаракатини чамаси Чарм Пайпоқнинг² худди ўшандай сассиз кулгисига қиёс қилиш билангина таърифлаш мумкин бўлар. Ҳаммавақт, ҳатто энг қувончли дамларда ҳам у бор-йўғи бир оғиз гапи-рар, сиполикни қўлдан бермасди. Замонанинг зайлӣ билан де-Грэ кўчасида турганимда шундай қўшнига дуч келдим. Ўша вақтда мен суд назоратчисининг конторасида кичик ко-тиб вазифасида ишлардим ва ҳуқуқшунослик факультетининг сўнгига курсида ўқирдим. Бу файзсиз, заҳ уйнинг ҳовлиси йўқ, барча деразалари кўчага қараган эди, хоналарнинг жойлашиши роҳибаларнинг ҳужраларини эслатарди; уларнинг катта-кичиклиги бир хил; ҳар бир ҳужранинг ягона эшиги тор, дарчалари бўлган нимқоронги узун йўлакка очи-ларди. Ҳа, бу бино чиндан ҳам бир вақтлар монастиръ меҳ-монхонаси бўлган эди. Бу хафагазак масканда битта-яримта оқсуяк ишратбоз йигитнинг шаддод шўхлиги қўшнимнинг ёнига кирмасиданоқ сўнарди: уй билан яшовчиси хил тушган эди, баайнин қоя ва унга ёпишиб олган шиллиққурт. Чол му-лоқотда бўладиган ягона одам мен эдим. У мендан чўғ сў-

¹ Бальзак бу ерда бениҳоя босиқ ва хотиржам француз ёзувчиси Фонтенелни (1657—1757) кўзда тутган.

² Чарм Пайпоқ — Америка ёзувчиси Фенимор Купер қаламига мансуб (1789—1851) қатор романлар: «Охирги мөгикан», «Изқувар», «Ҳай-вон овчиси»нинг қаҳрамони овчи Натти Бампонинг лақаби.

раб, ўқиши учун китоб ёки газета олгани чиқиб турар, кеч-қурунлари кулбасига қадамранжида қилишимга рухсат этар, баъзан, рағбати бўлса, биз икковлон сұхбатлашиб ўтирад ҳам эдик. Бундай ишонч тўрт йиллик қўшничилигимиз ва менинг боодоблигим самараси эди. Пулим йўқлиги вожидан менинг ҳаёт кечиришим ҳам шу чолникига ўхшаб кетарди. Унинг қариндош-хешлари ёки дўст-ёрлари бормиди? Боймиди у, камбағалмиди? Бу саволларга биронта одам жавоб беролмасди. Мен сира ҳам унинг қўлида пул кўрмаганман. Бордию мол-дунёси бўлган бўлса, чамаси, банк ертўласида сақланарди. У векселлар пулини ундирав, иш бажариш учун чиллакдек, буғуники сингари ориқ оёқлари билан бутун Парижни илдам айланиб чиқарди. Бир куни у тасодифан чўнтағида цул олиб юргану нимадир бўлиб нимчасининг чўнтағидан қўш наполеондор¹ тушиб қолган. Унинг орқасидан тушиб келаётган қўшниси тангани олиб унга узатган.

— Менини эмас бу! — деб хитоб қилган чол қўлини силтаб. — Тилла! Менда-я? Бой бўлганимда ҳеч вақт шундай яшармидим!

Эрталаблари камин ёнидаги дуд босган бурчакка қўйилган темир печкада ўзи қаҳва пиширар: тушликни унга ресторандан олиб келишар эди. Фаррош кампир белгиланган соатда унинг хонасини супуриб сидиргани келарди. Тасодифни қарангки, унинг фамилияси,— Стерн қисмат деб атаган бўларди,— жуда ғалати — Гобсек² эди. Стерн бундай ҳолатда пешана-да, дер эди. Кейинчалик, у ишларини олиб боришин менга топширганида, билдимки, мен танишган вақтимдаёқ у етмиш олтини уриб қўйган экан. У 1740 йилда Антверпенда туғилган экан: онаси яхудий, отаси — голланд, тўла исму шарифи Жан-Эстер ван Гобсек экан. Албатта, сиз бутун Парижда дув-дув гап бўлган «Гўзал Голландка» деб аталган аёлнинг ҳалокати тўғрисида эшитгансиз. Кунлардан бир кун собиқ қўшним билан сұхатлашиб ўтирганимизда ногаҳон бу ҳодисани эсга олдим. Шунда у пинагини бузмай:

— Ҳа, у набира жияним,— деди.

Ягона меросхўри, синглисдининг набираси ўлими уни оғиз очишга мажбур қилди. Судда иш кўрилаётганда мен Гўзал Голландканни Сарра де Гобсек деб аташганини билдим. Гобсекдан мен бу ғалати воқеани, яъни синглисдининг набираси унинг фамилиясида юргани сабабини тушунтириб беришини сўраганимда у илжайиб:

— Бизнинг авлодда ҳеч бир аёл эрга тегмайди,— деб жавоб берган эди.

¹ Қўш наполеондор — олтин танга, бир наполеондор 20 франкка тенг. [Тарж.]

² Очофат. [Тарж].

Бу ғаройиб одам бутун уруғ-аймогини ташкил этувчи тўрт авлод хотин-қизларидан биронтасини ҳам кўришни истамади. Меросхўрларини кўргани кўзи йўқ эди унинг, мол-дунёсига улар ҳатто ўлганидан кейин ҳам эга чиқишини хаёлига келтирмасди. Ун яшарлигида онаси уни кемага юнгаликка киритиб қўйган ва шу билан у голландларнинг Шарқий Ҳиндистондаги мулкларига сузид кетган, йигирма йил бу ерда дарбадар ҳаёт кечирган эди. Сарғиши манглайидаги ажинлар даҳшатли синовларнинг, ногаҳоний қўрқинчли воқеаларнинг, тасодифий муваффақиятларнинг, жўшқин кечинмаларнинг, беадад шодликларнинг, оч юрган кунларнинг, завол топган севгининг, бойликнинг, қашшоқликнинг, яна бойлик орттиришнинг, таҳликали хавф-хатарнинг, ўлим чангалидан бир сониялик фурсат, балки шафқатсизларча қилинган хатти-ҳаракатлар туфайли омон қолган пайтларининг изини сақлаб турарди. У жаноб де Лаллини, адмирал Симезни, жаноб де Кергаруэтни ва д' Эстенни, байи де Сюрфенни, жаноб де Портандюэрни, лорд Корнуэлсни, лорд Гастингсни, Типу соҳибнинг отасини ва Типу¹ соҳибнинг ўзини танирди. Дехлида рожа Махажи Синунахуга хизмат қилувчи, Махаратийларнинг куч-кудратини ошириш йўлида жонбозлик қилувчи маҳкама бошлигининг ўзи билан у биргаликда иш олиб бораради. Унинг Виктор Юз ва бошқа машҳур қароқчилар билан ҳам қандайдир алоқаси бор эди. Ахир у Сен-Том оролида узоқ вақт яшаган эди-да. У бойиш мақсадида минг гўлахга кириб чиққан, ҳатто довруқ соглан дафина ёввойилар қабиласи кўмган олтинни қидириб топиш учун Буэнос-Айреснинг чекка ерларигача борган эди. Қўшма Штатларнинг мустақиллиги учун бўлган урушларнинг барча воқеа-ҳодисаларида у қатнашган эди. Аммо Ҳиндистон ёки Америка ҳақида у фақат мен билан ора-сира суҳбатлашар, ҳар сафар шундан кейин «эзмалик» қилгани учун гўё пушаймон егандек бўлар эди. Агар одамийлик, одамлар ўртасидаги муносабатларни ўз йўлида дин деб аталса, Гобсекни даҳрий дейиш керак эди. Гарчи уни ўрганишни олдимга мақсад қилиб қўйган бўлсан ҳам, шуни шармандаларча эътироф этишим керакки, сўнгги дақиқагача унинг қалби мен учун зим-зиё қоронфилигича қолди. Баъзан ҳатто ўзимдан-ўзим, бу эркакми ёки аёлми, деб сўрардим. Башарти барча судхўрлар унга ўхшаса, турган гапки, уларни худо урган экан. У онасининг динига содик қолганмиди ва христианларга бир ўлжа сифатида қарабими? Қатолик, мусулмон, брахманлик ихлос-

¹ Бальзак Ҳиндистонни истило қилиш учун (XVIII асрнинг 50—60-йиллари) инглиза-француз қуролли кураши давридаги Франция, Англия ва Ҳиндистоннинг қатор ҳарбий ва сиёсий арбобларининг исми шарифини келтирган, у тарихий шахслар (Лалли, Сюфрен, Гастингс, Типу соҳиб ва бошқалар билан бирга «Башарият комедияси» персонажларининг ясама номларини (Кергаруэт, де Портандюэр) ҳам келтиради.

манди, лютерчи бўлганмиди? Унинг имон-ишончи ҳақида мен ҳеч нарса билмасдим. Дин масалаларига у даҳрийларга қараганда кўпроқ бепарво эди. Бир куни кечқурун мен бу тилла бутга айланган, унга емиш бўлганлар истеҳзо билан «Гобсек ота» деб атаган одамнинг уйига кирдим. У ўз одатида чуқур курсида гўё ҳисобот квитанциялари ва тилхатларни қайта бошдан ўқиётгандек қимир этмай каминнинг зеҳига нигоҳини қадаб ўтирас эди. Сийқаланиб кетган яшил тагликда туваётган чироқ нури унинг юзига тушиб турар, бироқ бундан унинг юзи асло жилоламас, қайтанга баттар рангпар кўринар эди. Чол менга қаради ва қўли билан одатда мен ўтирадиган стулни кўрсатди. «Бу жонзот нимани ўйлаётиди?— деб сўрадим ўзимдан ўзим.— Дунёда худо, ҳис-туйфу, севги-баҳт деган нарсалар борлигини билармикин?»

Гўё у оғир бетобдек ҳатто унга раҳмим ҳам келди. Лекин мен бордию унинг банкда миллионлари бўлса, ўзи кезиб чиққан, тит-питини чиқазган, салмоқлаб кўрган, баҳо қўйган, талаган барча мамлакатларни хаёлан забт этиши мумкинлигини жуда яхши тушунардим.

— Салом, Гобсек ота,— дедим мен.

У бошини ўғирди, қуюқ қора қошлари билинар-билинмас учди, унинг ўзига хос бу қилифи жанубликнинг энг илтифотли табассуми билан тенг эди.

— Бугун сиз худди тунов куни эпчиллиги учун мақтаганингиз китоб ноширининг синганини эшитганингиздаги каби хафасиз. Чув туширди, а, ўша сизни!

— Мени-я?— ажабланди у.

— Эсингиздами, у сиз билан худди ота-боладек битим тузишга эришган эди, қарзини тўлай олмаслиги важидан шартга биноан бутун векселларини сизнинг номингизга ҳатлаб берган эди, кейин ишлари юришиб кетгач сиздан шу шартномага кўра қарзни камайтиришии талаб қилган эди.

— Ҳа, айёр эди,— деб тасдиқлади чол.— Бироқ мен уни кейин яна тумшуғидан илинтиридим.

— Балки, ҳақингизни ундириш учун биронта векселни топшириш вақти бўлгандир! Бугун ойнинг ўттизинчи куни шекиляни.

Мен у билан биринчи марта пул ҳақида гаплашдим. У ялт этиб менга қаради, қошини қандайдир масҳараомуз учирди, кейин нўноқ созанданинг қўлидаги най овозидек ингичка, чийилдоқ оҳангда деди:

— Мен кўнглимни хушлаяпман.

— Сиз ҳам кўнглингизни хушлаб турасизми?

— Нима, сизнингча, фақат шеърларини бостирадиган шоирми?— деб сўради у кифтини учирив, кўзларини нафратомуз сузганча.

«Шеърият? Шундай каллада-я?»— ҳайрон бўлдим, зеро ўшанда унинг ҳаётини сира ҳам билмас эдим.

— Кимнинг ҳаёти меникидан гўзалроқ? — деди у кўзлари чақнаб. — Сиз ёғсиз, томирларингизда қон кўпиради, шунинг учун каллангизда ҳавоий фикрлар чарх уради, сиз каминда ёнаётган ўтинга қараб, оловда аёлнинг чеҳрасини кўрасиз, мен эсам кўмирни. Сиз ҳамма нарсага ишонасиз, мен бўлсанм ҳеч нарсага ишонмайман. Нима ҳам дердим, хом хаёлларингизни эҳтиёт қилинг, қўлингиздан келса. Мен ҳозир инсон ҳаётининг интиҳосини таърифлаб бераман. Сиз хоҳ дайди сайёҳ бўлинг, хоҳ уйда кўмилиб ўтирадиган, иссиқ ўрнингизу рафиқангиздан ҳеч қаҷон ажралмайдиган одам бўлинг, барибир шундай ёшга етасизки, бутун ҳаёtingиз ўрганган муҳитда яшаш одатига айланади. Ана шунда баҳт турмушга нисбатан ўз лаёқатингизни синашдан иборат бўлиб қолади. Мана шу икки қоидадан бошқа ҳаммаси — бўлмағур нарса. Мен нуқтаи назаримни вазиятга қараб ўзгартиришимга, уларни географик кенгликларга мослаштиришимга тўғри келган. Европада ҳаммани қойил қолдирадиган нарса Осиёда қўраланади. Парижда иллат саналувчи нарса Азов оролларининг нарёғида зарурат деб тан олинади. Ҳа, ер юзида пухта нарса йўқ, фақат шартлилик бор, ҳар бир иқлимда улар ҳар хил. Қимда-ким чор-ночор замонасозлик қилган бўлса, ўнга сизнинг ҳар қандай одоб-ахлоқ қонун-қоидаларингиз ҳаёти ҳамманини ўзгарадиган уч пул. Бизга табиатнинг ўзи ато этган яккаю ягона ҳиссиёт — ўз-ўзини ҳимоя қилиш туйғусигина ҳамиша барқарор! Европанинг маданий давлатларида бу туйғу шахсий манфаатдорлик деб аталади. Менинг ёшимга етсангиз, дунёда баҳт-саодатдан ҳам ишончли, кетидан қувса арзийдиган фақат бир нарса борлигини биласиз. Бу... олтин. Инсоннинг барча кучи олтинда мужассамлашган. Мен саёҳат қилиб юрганимда бутун ер юзида текисликлар ва тоғлар борлигини кўрдим. Текисликлар меъдага уради, тоғлар чарчатади: хуллас, қаерда яшасанг ҳам бунинг аҳамияти йўқ. Хулқатвор хусусига келсак, одам ҳамма ерда бир хил: ҳамма ерда камбағаллар билан бойлар ит-мушук. Шундай бўлиши табиий. Демак, сени эзишлирига йўл қўймай, ўзинг бошқаларни эзганинг тузук. Ҳаммаёқда билагида кучи борлар меҳнат қиласи, нимжонлар қийналади. Роҳатфароғат ҳам ҳамма ерда бир хил, ҳамма ерда улар бир хил тинкани қурилади: барча роҳат-фароғатни фақат биргина эрмак — шуҳратпарастлик енгади. Шуҳратпарастлик! Бу нарса бизнинг қонимизда бор. Ҳўш, шуҳратпарастликни нима қондириши мумкин? Олтин! Ҳадди-ҳисобсиз олтин. Ҳою ҳавасларимизни қондириш учун вақт, моддий имкониятлар еки шарт-шароит қерак. Нимаям дердик! Ҳамма нарса олтинда куртак ҳолатда. Турмушда у ҳамма нарсани беради.

Фақат ақлсизлару касал одамларигина сурункасига кечқурунларни баҳтини синаб бир неча тийин ютиш илинжида қарта устида беҳуда ўтказиши мумкин. Ёлғиз аҳмоқларигина

фалончи хоним диванда бир ўзи ётармикин ёки битта-яримта билан кўнглини хушлармикан, бу хонимда ўзи нима кўпийкин, қонми, лимфами, эҳтиросми ёки саховатми, деб куракда турмайдиган гапларга вақтини сарфлаши мумкин. Фақат нодонларгина оқибати нима билан тугашини ҳеч қачон билib бўлмайдиган воқеаларни бошқариш мақсадида сиёсий принципларни ўрнатиш билан шуғулланиб, яқин одамимга фойда келтириялман, деб хаёл қилиши мумкин. Ёлғиз овсарларгина актёрлар ҳақида валдирайди ва уларнинг асиялярини тақорролайди, ҳар куни сайру томошаларда қафасдаги ҳайвонлардек гирдикапалак бўлади, рост, озодликда майдон катта, бошқаларнинг кўзини ўйнатиш учун башанг кийинади, ном чиқариш учун зиёфатлар беради. Наслдор отлари ёки янги чиққан коляскаси билан мақтанади. Ваҳоланки уни қўшнисидан нақ уч кун олдин сотиб олишга мушарраф бўлган. Мана сизга парижликларингизнинг мукаммал ҳаёти, булар бир неча жумлага жо бўлади, тўғрими? Бироқ одамлар кўтарила олмайдиган юксакликдан уларнинг турмушига разм солинг. Бахт нимада? Бу ё ҳаётимизни емирадиган кучли ҳаяжон, ёхуд ҳаётни байни яхши созланган инглиз механизмига айлантирувчи бир маромдаги машғулотдир. Бу баҳтдан фақат, таъбир жоиз бўлса, «олижанобларча» ҳавасмандлик, табиат сирларини ўрганишга уриниш ва унинг кўринишиларини кашф этишда маълум натижаларга эришишгина юқори туради. Икки оғиз қилиб айтганда, мана сизга санъат ва фан, эҳтирос ва хотиржамлик. Тўғрими? Хулласи калом, сизнинг ҳозирги жамиятингизда манфаатлар тўқнашувида ўтдек ёнган инсоний эҳтирослар кўз олдимдан ўтаверади, мен уларни кўрикдан ўтказаман, ўзим эса тинч хотиржам яшайвераман. Сизнинг илмга ҳавасмандлигиниз ўрнига мен (бу ўз йўлида шундай яккама-якка олишувки, унда албатта одам мағлуб бўлади) инсониятни ҳаракатга келтирувчи барча асосларни англаб этишини афзал биламан. Хуллас, мен жонимни койитмай дунёга ҳукмронлик қиласман, дунё эса менга заррача бўлсин ҳукмини ўтказолмайди.

— Мана қулоқ солинг,— деди у бир оз сукут сақлаб тургач,— мен сизга бугун эрталаб кўз олдимда содир бўлган иккита воқеани сўзлаб бераман, шунда сиз менинг эрмагим нима эканлигини тушунасиз.

Гобсек ўридан туриб эшикнинг илгагини солди, дераза олдига бориб, эски гилам дарпардани сурди, шунда унинг ҳалқалари металл таёқда сурилиб ғичирлаб кетди, кейин қайтиб келиб яна курсига ўтириди.

— Бугун эрталаб,— деди у,— қарздорлардан иккитасининг векселига пул ундиromoқчи эдим, қолганларини мен кеча ўз ҳисобим бўйича ишга тушириб юборган эдим. Ҳарна-да! Ахир мен ҳисобда тўланадиган пулдан қарзни ундириш учун кетадиган харажатга ва ҳеч қачон ёлламасам ҳамки қирқ

судан¹ извошчига ажратаман. Ахир қандайдир олти франк фойда деб бутун Парижни лўкиллаб айланиб чиқишим кулгили эмасми? Ўзи хон, ўзи бек, бор-йўғи етти франк солик тўлайдиган мендек одам-а! Минг франкли биринчи векселни мендан хушсурат ва олифта бир йигит ўз ҳисобига олди. Унинг устида ялт-ялт жилетка, қўлида лорнет, ихтиёрида тильбюри², инглиз тулипори ва шу кабилар. Векселни хотин киши, энг латофатли парижлик аёл, қандайдир мулкдор, боз устига графнинг рафиқаси берган эди. Нима учун муҳтарама графиня юридик жиҳатдан қалбаки, бироқ амалда тамомила ишончли векселга имзо чекди экан? Ахир бу тантис ойимчалар оиласвий можаролардан шундай қўрқишиадики, вексель судга оширилган тақдирда улар пулни тўлашга қодир бўлмасалар ўзларини бағишлаб бўлса-да, бу ишни ёпиб кетишига ҳаракат қиласилар. Мен бу векселнинг сирини билишга жазм қилдим. Нима яширинган бунда: лақмаликми, шошқалоқликми, севгими ёки раҳмдилликми? Қандайдир Фанни Мальво деган аёл имзо чеккан худди шунча миқдордаги пуллик иккинчи векселни читбуруш, синиши аниқ савдогар ўз ҳисобига олган эди. Ахир банкада озгина пули бор биронта одам меникига келмайди: у остона ҳатлаб хонамга кирганидан ёзув столим ёнига келгунча нажотсизлигини, барча банкирлардан пул сўраб бекорга овора бўлганини, бошига оғир кулфат тушганини ошкор этади. Мен уйимда фақат таъқибга учраган кийикларни кўраман, уларнинг кетидан бир тўда қарз берувчилар қувади. Графиня Гальдерская кўчасида, Фанни Мальво эса Монмартр кўчасида туради. Бугун уйдан чиққанимда не-не хаёлларга бормадим! Бордию бу икки аёлнинг тўлашга ҳеч вақоси бўлмаса мени ўз отасидан кўпроқ иззат-ҳурмат билан қарши олади. Графиня хўй найрангбозлиқ қиласди, минг франк учун ўзини минг мақомга солади! Очиқ чирой билан жилмаяди, тилёфламалик билан майин гапиради. Номига вексель берилган аваби навқирон йигитга ширин гапиргани каби оғизидан бол томади. Ҳатто менга илтижо қисса ҳам ажаб эмас! Мен бўлсам...—чол менга совуқ назар ташлади.— Мен пинагимниям бузмайман — деди, у.— Худди жазо янглиғ, виждан азобидек пайдо бўламан... Хўп майли, гумонларимни қўя турамиз. Хуллас, уйига бордим.

«Графиня ҳали ўринларидан турганлари йўқ», деди оқсоч.

«Уларни қачон кўрса бўлади?»

«Ўн иккидан кейин».

«Нима, графинянинг тоби йўқми?»

«Йўқ, сударь, улар балдан эрталаб соат учда келдилар».

¹ Су — француз тангаси.

² Тюльбюри — битта от қўшиладиган икки ғилдиракли усти очик онгил арава. (Тарж.)

«Менинг фамилиям Гобсек. Гобсек келди, деб хабар қи-
линг. Мен пешинда яна келаман».

Шундан кейин мармар пиллапояларга тўшалган гиламни
лой оёғим билан ифлос қилиб пастга тушдим. Мен лой бош-
моғим билан бойларнинг гиламларини ифлос қилишини яхши
кўраман. Буни анчайин манманлик учун эмас, муқаррарлик-
нинг чангали панжасини сезиб қўйишлари учун қиласман. Монмартр
кўчасидаги кўримсизгина уйга келиб, дарвозанинг
кўҳна эшигини очдим, ҳовлиси бамисоли ҳеч қачон қўёш ну-
ри тушмайдиган ўра. Дарбон хотиннинг ҳужраси қоронги,
деразасининг ойнаси чопоннинг ифлос, ягир ичиқсан енгига
ўхшайди, тағин денг ҳаммаёғи дарз кетган.

«Мадемуазель Фанни Мальво шу ерда турадими?»

«Ҳа, лекин ҳозир йўқ уйда. Агар сиз вексель хусусида
келган бўлсангиз, сизга у пул ташлаб кетган».

«Мен кечроқ келаман».

Пулни дарбон хотинга ташлаб кетгани нур устига аъло
нур, бироқ мен қарздор аёлни кўришга иштиёқманд эдим. Менга негадир у серишва енгилтак бўлиб кўринди. Хуллас,
тонгни магазинларнинг деразаларида гравюраларни томо-
ша қилиб ўтказдим. Аммо қоқ пешинда графинянинг ётоқхо-
наси ёнидаги меҳмонхонада ҳозир бўлдим.

«Бегойим ҳозиргина қўнғироқ қилдилар,— деди менга
оқсоч.— Менимча ҳозир сизни қабул қилолмасалар керак».

«Мен кутиб тураман», дедим ва курсига ўтиредим.

Дарпарда очилди-ю, оқсоч юргургилаб келди.

«Марҳамат, киринг, сударь».

Оқсоchnинг шириңсўзлигидан беканинг қарзини тўлашга
пули йўқлигини фаҳмладим. Лекин мен шундай бир соҳиб-
жамолни кўрдимки, таърифига сўз йўқ! Шошганидан у ялан-
ғоч елкасига кашмири шолрўмол ташлаган ва унга шундай
усталик билан ўралган эдики, унинг остида зебо қомати яқ-
қол кўзга ташланарди. Унинг устида фақат қордек оқ рюш
билан бурма қилинган пенъюар бор эди. Демак, нафис кўй-
лакни юувучи қўли гул кирчи аёлга йилида икки минг франк-
дан кам пул кетмайди. Бошини креолка¹ каби почапоча гул-
ли рўмольча билан палапартиш боғлаган, рўмольча тагидан
қора гажаклари чиқиб турарди. Кўриниб турган ўрни ғижим,
унинг бетартиблиги графинянинг уйқуси беҳаловат бўлгани-
дан дарак берарди. Шу куни эрталаб қарздоримнинг ётоқхо-
насида лоақал бир дақиқа бўлиш учун рассом хонумонини
аямасди. Каравот ёнига тушиб турган парда бурмалари гўё
ҳузур-ҳаловат ваъда қиласар, ҳаворанг шойи партўшакда бир
четта сурилган чойшабу, ложувард ошёнда қордек оқариб
яққол кўзга ташланаётган жимжимадор ёстиқ гўё гулдек

¹ Креолка, креоллар — Лотин Америкасида түғилган европаликлар.

қоматнинг суратини пинҳон тутаётгандек туюлар, кўнгилга фулгула солар эди. Қизил дараҳтдан қилинган каравотни кўтариб турган мис арслонлар ёнига тўшалган айиқ терисида балдан ҳориб-толиб қайтган аёлнинг бепарво ташлаган атлас туфличалари йилтираб ётарди. Стул суянчиғидан ғижим кўйлакнинг енглари осилиб тушган, гиламга тегиб турар эди. Курси оёқлари атрофида ҳарир пайпоқлар ётар, қилт этган шабада эсса уларни учириб кетгудек эди. Диванчада оқ шойи лайпоқ боғичлари чўзилиб ётарди. Камин устида яrim очиқ қимматбаҳо елпигич ранго-ранг товланарди. Кийим-кечак жавонининг тортмалари очиқлигича қолган эди. Бутун хонада гуллар, бриллиантлар, қўлқоплар, гулдасталар, бел-боғлар ва балда кийиладиган либосларнинг зарур буюмлари сочилиб ётган эди. Қандайдир нафис атрларнинг бўйи тарапларди. Ҳамма ёқда бесаранжом гўзаллик, ҳашам ва бетартиблик кўзга ташланарди. Хуллас, бу аёлга ёки маҳбубига бало-қазодек кўз тиккан, ана шу ҳашам ортида пусиб турган қашшоқлик бош кўтариб, ўткир тишларини иржайтирган эди. Графиняниң ҳорғин чехраси ётоқхонасига ўхшар, унда тунги шод-хуррамликнинг нишоналари сақланиб қолган эди.

Ҳамма ёқда сочилиб ётган зеб-зийнатларни кўриб юрагим туздек ачишли. Куни кечагина булар унинг бир чиройига минг чирой қўшиб, кимларнингдир кўзини ўйнатган эди. Буларнинг ҳаммаси виждон азоби билан оғулланган севги-ю, ўйин-кулги, ҳашам, шодиёналар акс этган тарааллабедод ҳаётни мужассамлантирган эдики, аёл энди зўр бериб қўлдан кетаётган ўша ҳузур-ҳаловат ва роҳат-фароғатни бой бермасликка тиришяпганини очиқ-оидин кўрсатарди. Бу ёш жувоннинг юзларida намоён бўлган қизил доғлар унинг териси нозик бўлганидан далолат берар, бироқ юзи гўё кўпчигандек кўринар, кўзлари тагидаги соялар янада аниқ-таниқ кўринаётгандек туюлар эди. Лекин барибир унинг табиат ато қилган ғайрат-шижоати барқ урар, бемаъно ўтган ҳаёти унинг чиройига путур етказолмаган эди. Кўзлари чақнаб турар, ҳусн-латофатда беназир эди: у Леонардо да Винчи чизган гўзал Иродиадаларнинг бирини эслатар (мен ахир қадимги рассомларнинг суратларини олиб сотганиман-да) эди. Ундан завқ-шавқ, куч-қувват ёғиларди. Унинг қадди-бастида сўлғинлик, маъюсликдан асар ҳам йўқ эди, у муқаррар севгига ихлос уйғотар, аммо унинг ўзи севгидан кучли кўринарди. Хуллас, бу жувон менга ёқиб қолди. Юрагим кўпдан бери бунаقا тепмаган эди. Демак, мен ҳақимни олдим. Ёшлик чоғларимдаги туйғуни яна қайта бошимдан кечиришим учун мен ўзим минг франк беришга тайёр эдим.

МАРСИОН
АХМЕД
КОЛЛЕЖ

«Жаноб,— деди у мени ўтиришга таклиғи
матингизни дариф тутмай, қарз муддатини бир оз
суролмайсизми?»

«Эртага пешингача майли, графиня,— дедим унга кўрсатган векселни буқлай туриб.— Шу муҳлаттагча векселингизни судга оширмайман».

Хаёлан мен унга бундай дедим: «Бу ҳашам, унвонинг, баҳтиңг, фойдаланаётган барча имтиёзлариниг учун ҳақ тўла. Бойлар ўз мол-дунёларини сақлаш учун трибуналарни, судьяларни, гильотинани ўйлаб чиқарадилару парвона ўзини чироққа ургандек буларга ўзларини урадилар, ландавурлар. Бироқ сизлар учун, атласда ётиб, атлас ёпинадиган одамлар учун бошқа нарса: виждан азоби, кулғи остига яширилган тиш ғижирлатиш, қалбингизга тишларини санчувчи арслон оғизли химералар¹ мавжуд.

«Векселни судга оширасизми? Наҳотки сиз шунчаликка борсангиз?— деб хитоб қилиди у менга тикилиб.— Наҳотки мени шунчалик оз ҳурмат қиласиз?»

«Бордию мендан қирол қарз бўлганда, графиня, ва қарзини муддатида тўламаганда, мен уни бошқа қарздорлардан олдинроқ судга берардим».

Шу аснода аллаким эшнини аста қоқди.

«Мен уйда йўқман!»— деб қичқирди графиня аччиқланиб.

«Анастази, бу мен. Сизда икки оғиз гапим бор эди».

«Кейинроқ, азизим»,— деди графиня жаҳлдан бир оз тушиб, барни бир бу сўзни у мулоим қилиб айтмади.

«Бу қанақаси! Ахир сиз ким биландир гаплашяпсиз-ку», деди ташқаридаги одам, сўнг эшик очилдию хонага бир эр-как кирди,— турган гапки, графинг ўзи эди у.

Графиня менга ялт этиб қаради, мен унинг аҳволини тушундим, у менинг қулим бўлиб қолган эди. Эҳ, йигит, векселларни судга оширмай аҳмоқлик қилган вақтларим ҳам бўлган, 1763 йили Пондишерида мен бир аёлга шафқат қилганман. Охири нима бўлди, денг! Роза чув тушириб кетди мени! Айб ўзимда, нега энди унга ишондим?!

«Ҳўш, сизга нима керак, жаноб?»— деб сўради граф мендан.

Шу чоқ мен тўсатдан унинг хотини дир-дир, титраётганини, оппоқ силлиқ бўйни гудда-гудда ғоз терисига айланганини пайқадим. Мен ичимда кулардим, бироқ юзимдаги биронта мушак қилт этмасди.

«Бу киши менинг таъминотчиларимдан бири», деди графиня.

Граф менга орқасини ўғирди, мен эса чўнтағимдан булоғлиқ векселнинг бир учини чиқаздим. Жувон бу бешафқат ишорани кўриб ёнимга келди ва менга бриллиант берди.

«Олинг,— деди у.— Тезроқ йўқолинг».

Мен бриллиант эвазига векселни бердим ва таъзим қилиб

¹ Химера — қадимги грек мифологиясида баҳайбат ҳайвон.

чиқиб кетдим. Менимча бриллиант нақд бир минг икки юз франк турарди. Графнинг қўрғонида турли-туман хизматкорларни кўрдим, лакейлар чўткалар билан уқали камзулларини тозалашар, этикларини ярқиратишар, отбоқарлар ҳашаматли файтонларни ювишар эди. Менинг ҳузуримга машҳур жанобларни ана шу нарсалар югуртиради. Назокат билан миллионларни ўғирлашга, ватанфурушлик қилишга уларни шулар мажбур қилади! Яёв юриб локланган этикларини ифлос қилмаслик учун бу калондимоғ жаноблару уларга тақлид қиласиган ҳар бир киши қулоқларигача разолатга ботишга рози. Худди шу аснода дарвоза очилди-ю, мендан графиняning векселини ўз ҳисобига олган ўша навқирон олифта кабриолетда ҳовлига кирди.

«Жаноб,— дедим ўнга кабриолетдан сакраб тушгач,— ма-на икки юз франк, малол келмаса, графиняга айтсангиз, у менга берган омонатни пича тутиб турман, бир ҳафта ичидага қайтариб олиши мумкин».

Олифта икки юз франкни олди, лабларида истеҳзоли табассум бир зум жилва қилди. Бу билан у: «А-ҳа, тўлабди-да! Нима ҳам дердик, жуда соз!»— дегандек бўлди.

Шунда мен унинг юзида графиняning бутун келажагини кўргандек бўлдим. Бу оқ-сариқдан келган турқи совуқ олифта, тошбагир қиморбоз ўзиям хонавайрон бўлади, графиняни ҳам, унинг эрини ҳам, бола-чақаларини ҳам хонавайрон қилади. Уларнинг меросларини елга совуради, бошқа салонларда¹ ҳам душман қўшинларининг тўпларидан баттарроқ хонавайрон қилади ҳаммани.

Кейин мен Монмартр кўчасига, мадемуазель Фанниникига кетдим. Тор, тикка зинадан олтинчи қаватга чиқдим. Мени икки хоналик квартирага киритиши, ҳаммаёқ чиннидек тоза, олтин тангадек ярқиравди, биринчи хонадаги жиҳозларда гард кўринмасди, бека — ёшгина қиз, мадемуазель Фанни мени шу ерда қабул қилди. У парижлик аёлларга хос кўркам, лекин оддий кийинган эди: унинг боши бежирим, юзи атиргулдек тароватли, чеҳраси очиқ эди; чиройли тараалган қўнғир соchlари икки тутам осилиб түшиб чаккаларини яшириб турар, бу билурдек тиник, мовий кўзларига нафис ифода бағишлиарди. Деразалардаги пардалар орасидан сизиб ўтаетган қуёш нури унинг хоксор сиймосини майин ёрду билан ёритарди. Унинг атрофида бичилган бўлак-бўлак матолар тахлаб қўйилган эди, шунда мен у тирикчилигини қаййўл билан ўтказишлигини фаҳмладим; турган гапки, у тикувчи эди. Бу қиз танҳоликдаги парига ўхшарди.

Мен унга векселин узатиб, эрталаб келган эдим, сизни учратолмадим, дедим.

¹ Салон — буржуа дворянлар уйидаги меҳмонхона.

«Пул дарбон хотинда эди-ку», деди у.

Мен ўзимни унинг гапини эшитмаганга солдим.

«Сиз, чамаси, уйдан барвақт чиқиб кетар экансиз!»

«Умуман, уйдан кам чиқаман, биласизми, туни бўйи иш устида қадалиб ўтиргандан кейин, чўмилигиси келади одамнинг».

Мен унга синчилаб қарадиму дарров унинг аҳволини фаҳмладим. Қаршимда, турган гапки, муҳтоҗлик оғир меҳнат қилишга мажбур қилган қиз турарди. Эҳтимол бирор фермернинг қизи бўлса керақ, юзида ҳамон деҳқонларнинг қизларида бўладиган сепкил кўзга ташланарди. Ундан нимадир яхшилик, чинакамига саҳоват нафаси уфурарди. Мен савимият ва руҳий поклик қасрига қадам қўйгандек бўлдим, нафас олишим ҳам енгиллашди. Шўрлик содда қиз! У алланарсага умид боғларди: жўнгина ёғоч каравотнинг бош томонида бутга михланган Исонинг сурати осилган, у шамшод дараҳтнинг икки новдаси билан безатилган эди. Мен қарийб ийиб кетдим. Атиги ўн икки процент фойда эвазига унга қарз бериб, унинг бирор даромадли дўкон сотиб олишига ёрдамлашишга тайёр эдим. Э, йўқ,— деб ўзимга ўзим насиҳат қилдим.— Унинг, ҳар қалай, биронта ёш амакиваччаси бордир, вексель ёздириб, бу боёқишина кафангадо қиласи. Шу таҳлил мен, йўқ, тантилилка бало борми, деб ўзимга ўзим дашном бериб чиқиб кетдим: ахир мен олиҳиммат одамга тантилил зарап-заҳмат етказмаслигини, аксинча, илтифотга сазовор бўлган одам панд еганини жуда кўп кўрганманда. Бундэй муруват фалокат келтиради. Сиз бугун хонамга кирганингизда мен худди шу Фанни Мальво ҳақида ўйлаб ўтирган эдим. Мана ундан вафодор хотин ва меҳрибон она чиқади. Бокира, ёлғиз қизнинг ҳаёти билан векселга имзо чека бошлаган ва ҳадемай ҳар хил иллатларнинг ботқоғига ботадиган бой графиняниң ҳаётини солиштириб кўрилса, улар орасида осмон билан ерча фарқ бор!

Чол ўйга толиб бир дақиқа жим қолди, бу пайт мен унга разм солиб турдим.

— Қани айтинг-чи,— деди у дабдурустдан.— Менинг кўнгил очишларим наҳотки ёмон бўлса! Наҳотки инсон қалбининг энг нозик жойига қўл солиш қизиқ бўлмаса? Бегона одамнинг ҳаёти ичига кириб, уни безаксиз, рўй-рост кўриш наҳот дикқатга сазовор эмас? Қандай манзарани кўрмайсиз сиз у ерда?! Битмас яра, тасаллisisiz, ғам-андуҳ, яна денг ишқий эҳтирослар, ўзини Сена сувига отиб бу дунёдан кўз юмишга мажбур этувчи қашшоқлик, ҳузур-ҳаловат йўлида эгри қадам босиб, жаллод кундасига бош қўядиганлар, нажотсизлик қаҳқаҳаси ва дабдабали зиёфатлар кўзга чалинади. Бугун фожиа кўрасан: бирон-бир ҳалол меҳнаткаш, оила бошлиғи бола-чақасини боқолмай жонига қасд қиласи. Эртага комедия томоша қиласан: ёш танбал йигит кўз олдингда

Диманшни лақиллатган қарздор¹ тасвирланган классик саҳнанинг янги вариантини ўйнамоқчи бўлади. Сиз, албатта, ўтган асрда номи чиқсан раҳмдил чиллаки дин пешволарининг суханварлиги ҳақида ўқигансиз. Мен баъзан вақтимни аямай, уларнинг ваъзларини эшитгани борардим. Улар баъзи нарсаларда эътиқодимга таъсир этишга муваффақ бўлдилар, лекин менинг хулқатворимга заррача бўлсин таъсир этолмадилар. Мутлақо, деган эди кимдир. Хуллас, билиб қўйинг, сизнинг барча ўша маълум ва машҳур воизларингиз, ҳар хил анави Мирабо², Вернью³ ва бошқалар менинг ҳар кунги нотиқларим олдида ип эшолмайдилар. Қандайdir ошиқу беқарор қиз, кафангадо бўлиш олдида турган савдогар чол, ўғлининг айбини яширишга уринган она, бир бурда нонга зор рассом, шумшук кўриниб қолган, устига-устак, пулсизлик касрига узоқ йиллар давомида қилган бутун тоат-ибодати учун уч пул бўлаёзган мансабдор — ҳамма-ҳаммаси баъзан гапларининг кучи ва сеҳри билан ҳанг-манг қилиб қўйишарди. Қойилмақом актёрлар! Бу томошани ёлғиз мен учун қўядилар! Бироқ мени алдаш ҳеч қачон уларнинг қўлларидан келмайди. Менинг назарим бақавли худонинг назаридек: мен уларнинг дилини кўриб тураман. Назаримдан ҳеч нарса пана бўлолмайди. Қўлида бир қоп тилласи бор одамдан ҳеч вақтда бирон нарсаларни айдиларми! Мен инсон виждонини сотиб олишга қурби етадиган бой одамман, дasti дароз министрларни уларнинг эркатойлари, идора ходимларидан тортиб, маъшуқаларигача ишга солиб ўз ўйлимга юргизаман. Ҳукмфармонлик эмасми бу? Истасам, энг гўзал аёлларни қўлга киритаман, ноз-карашмаларни сотиб оламан. Ҳузур-ҳаловат сизнинг янги ижтимоий тузумингизнинг туб моҳияти эмасми? Менга ўхшаган одамлар Парижда ўнта; сизларнинг тақдирингизнинг жилови бизнинг қўлимиизда, аммо ўзимиз ювош, факир киши панада қабилида юрамиз. Ҳаёт — пул ҳаракатга келтирадиган машина эмасми? Ёдда тутинг, ҳаракат воситаси унинг натижалари билан қўшилиб кетади: ҳеч маҳал руҳ билан шаҳвоний ҳиссиётни, руҳ ва материяни чеклаб бўлмайди. Ҳозирги жамиятнинг бутун мъянавий моҳияти олтиндир. Мен ва менинг касбдош биродарларим ҳафтанинг маълум кунлари Янги кўприк ёнидаги «Фемида» кафесида уч-

¹ Мольернинг (1622—1673) «Дон-Жуан» комедиясидан саҳна, бунда пьеса қаҳрамони оғзидан бол томиб ўз кредитори Диманшни шундай усталик билан лақиллатадики, у йигитдан қарзини сўрашга ботинолмайди.

² Мирабо Оноре—Габриель (1749—1791) XVIII аср охирида француз буржуя революциясининг арбоби: либерал дворянлик ва ишрик буржуазия манфаатлари тарафдори.

³ Вернью Пьер — Викториен — (1753—1793) XVIII аср охирида француз буржуя революциясининг арбоби, жирондист, конвент аъзоси. 1793 йилда қатл этилган, ўз даврининг машҳур нотиги саналган.

рашамиз. У ерда биз суҳбат қурамиз, молиявий сирларни бир-биримизга ошкор қиласиз. Энг катта бойлик ҳам бизни адаштиrolмайди, биз барча маълум ва машҳур онлаларниң сири асрорини биламиз! Бизда айтиш мумкинки, «қора дафтар» бор, бунга биз давлат кредити, банклар ва савдосотик ҳақидаги хабарларни тиркаб қўянимиз. Биз биржанинг пирлари сифатида муқаддас инквизиция трибунални тузганимиз, бадавлат одамларниң кўринишдан майда-чўйда, арзимас қилмишларни муҳокама қиласиз ва ҳар сафар ҳақ бўлиб чиқамиз. Биримиз суд ҳайъатини кузатади, бошқаси молиявий ишларини, учинчиси олий мансабдорларни, тўртингчиси коммерсантларни назорат қиласди. Менинг чекимга бойваччалар, актёрлар, рассомлар, оқсуяклар, қиморбозлар, қўйинги Париж жамоатининг энг антиқа қисми тушиган. Ҳар бири бизга қўшниларининг сирини айтиб беради. Панд берган муҳаббат, ҳақоратланган иззат-нафс жим туролмайди, нола қиласди. Нуқсонлар, дунёдан тўйиншлар, интиқом полициянинг beminnat дастёrlаридир. Менинг биродарларим ҳам ўзим каби хўп даври даврон суришган, ҳаммасидан тўйишиган, эндиликда фақат ҳукмфармонлигу пулни ўша ҳукмфармонлик билан пулни қўлга киритиш учун яхши кўришади. Мана бу ерда,— деди у қўлини ёйиб.— Шипшийдам, совуқ уйда бошқа ерда қиттаккина шамага тутоқиб кетадиган, бирон қочирим учун дилозорни дуэлга чақирадиган тажанг ошиқ итоаткорларча қўлини кўксига босиб менга илтижо қиласди. Қаттиқ нафрат ёки қайғу-алам ёшларини тўкиб менга энг тақаббур савдогар ёки энг кеккайган соҳибжамол ва энг мағрур ҳарбий ялиниб-ёлворади. Бу ерга ўтинч билан машҳур рассом ва келажакда номи авлоддан авлодга ўтиб юрадиган ёзуучи келади. Мана бу ерда,— деб илова қилди у бармоғини манглайига босиб,— тарозу бор, унда бутун Парижнинг меросу фаразгўйлиги тортилади. Хўш, энди сизнингча,— деди у менга худди кумушдан қўйилгандек рангпар юзини ўғириб,— сурлиги билан сизни бот-бот ҳайратга солган мана шу совуқ ниқоб ортида оташин ҳузур-ҳаловат яширилганига ишонч ҳосил қилдингизми?

Мен бутунлай саросимага тушиб ўз хонамга қайтиб келдим. Бу шарти кетиб, парти қолган чол кўзим олдида юксалиб, ҳукмронлик ва олтин рамзи сифатида афсонавий кимсадек намоён бўлди. Ҳаёт ва одамлар мени ваҳимага сола бошлиди.

«Наҳотки ҳамма нарса пулга бориб тақалса?»— ўйлардим мен.

Эсимда, алламаҳалгача ухлолмай ётдим. Нуқул кўз олдимга тўп-тўп олтинлар келаверди. Ҳа, гўзал графиня ҳам хаёлимни банд этди. Уят бўлса ҳам эътироф этай, у меҳнату хоксорликка маҳкум этилган соғдил Фанини Мальво сиймосини бутунлай тўсиб қўйди. Бироқ эрталаб, орзу-истак

тумани тарқалиб, эс-ҳушимни йигиб олганимда кўз олдимда дарҳол ёқимтой қиз сиймоси пайдо бўлди-ю, мен фақат Фаннини ўйлай бошладим...

— Бир стакан шакарли сувга ҳушиңгиз қалай?— деди Гранлье хоним Дервилнинг гапини бўлиб.

— Бажонидил ичаман,— деди у.

— Биласизми, бу машмашаларнинг бизга қандай алоқаси борлигига ҳеч ақлим етмаяпти,— деди Гранлье хоним, қўнғироқчани чалиб.

— Во дари!— деб хитоб қилди Дервиль ўзи яхши кўрган иборани ишлатиб.— Мен ҳозироқ Камилланинг кўзидан уйқусини қочираман, токи у баҳти яқин-яқингача Гобсек отага боғлиқ бўлганини билиб қўйсин. Лекин чол саксон тўқизга кириб яқинда оламдан ўтди, ҳадемай жаноб де Ресто ҳадди-ҳисобсиз давлатга эга бўлади. Қандай қилиб ва нима учун бундай бўлганини тушунтиришга тўғри келади. Фанни Мальво хусусига келсак, сиз уни яхши танийсиз. У менинг хотиним.

— Қадрдоним,— деб сўз қистирди виконтеssa де Гранлье,— сиз табиатан ростргўй бўлганингиз важидан йигирмата гувоҳ олдида ҳам бу гапингиздан тоғмасангиз керак.

— Ҳа, мен бу ҳақда бутун дунёга жар солишга тайёрман!— деди адлиячи.

— Мана шакарли сув, ичинг, азизим Дервиль. Сиз ҳеч қачон ҳеч нарса орттирмайсиз, лекин энг баҳтли ва мумтоз одам бўлиб қоласиз.

— Мен жиндек ғафлатда қолдим,— деб тўсатдан луқма ташлади виконтессанинг мудраб қолган укаси.— Демак, сиз Гелдер кўчасида турувчи қандайдир графиняникига боргансиз. Нима қилдингиз у ерда?..

— Голландиялик чол билан сұҳбатлашганимдан кейин орадан бир неча кун ўтгач,— деб ҳикоясичи давом эттириди Дервиль,— мен диссертация ёқлаб, ҳукуқ лиценциати даржасини олдим, сўнгра адвокатлар коллегиясига қабул қилиндим. Кекса зиқна Гобсекнинг менга ишончи ортиб кетди. У ҳатто аниқ маълумотларни тўплаганидан кейин, ҳеч тап тортмай ўзини урган энг хавфли алдам-қалдам ишларида ҳам мендан маслаҳатлар сўрай бошлади. Тан бериш керакки, бундай хатарли ишларга энг пиҳини ёрган корчалонлар ҳам журъат этолмасди. Таажжубки, ҳеч кимнинг таъсирига берилмайдиган бу одам менинг маслаҳатларимга қандайдир эҳтирос билан кулоқ осарди. Тўғри, булар ҳамиша унга қўл келарди. Мана, уч йил адлиячининг идорасида ишлаб, у ерда катта клерк¹ лавозимига кўтарилидим ва хўжайиним ойига тўлайдиган юз эллик франк маошдан ташқари текиҷ овқат ҳамда квартира бергач, де-Грэ кўчасидан кўчиб кетдим.

¹ Нотариуслар ёки адвокатлар идорасида ишловчи хизматчи.

Қанчалар бахтли кун эди бу ҳаётимда! Мен кекса судхўрнинг олдига хайрлашгани келганимда у менга бир оғиз ҳам дўста на сўз айтмади, заррача ачинмади. Келиб тур ҳам демади, фақат ўзининг ажойиб, ҳайратомуз нигоҳини ташладики, бундан бу одам авлиё, деб ўйлаш мумкин эди. Бироқ орадан бир ҳафта ўтгач чолнинг ўзи мени йўқлаб келди, у қандайдир ер-жойни мусодара қилиш тўғрисида бир чалкаш ишни келтирди. Шу-шу худди пулини тўлаб қўйгандек менинг маслаҳатларимдан бемалол фойдалана бошлади. 1818—1819 йили қишида ишратпарамаст ва истрофгар хўжайиним қийналиб қолди-ю, конторани сотишга мажбур бўлди. Гарчи у вақтлар адлиячилик патентини олиш ҳозирги вақтдагидек жуда қиммат бўлмаса-да, ўз конторасига у оз эмас, бир юз эллик минг франк сўради. Бордию биронта сергайрат, ишнинг кўзини биладиган уддабурон адлиячига бу идорани сотиб олишига шунча пулни ишонишса, у дурустгина яшаши, процент тўлаши ва ўн йил ичидан қарзидан узилиши мумкин эди. Лекин менда сариқ чақа ҳам йўқ эди, зеро отам вилоятда майда буржуа эди. Мен оиласизда еттинчи фарзанд эдим, дунёда капиталистлар орасида Гобсекдан бошқа биронта танишим йўқ эди... Лекин, биласизми, шуҳратпарамастлик орзу-истаклари ва қандайдир умид учқуни унга мурожаат қилишдек дадил бир фикрни кўнглимга солди. Мана, кунлардан бир кун кечқурун имиллаб Де-Грэ кўчасига йўл олдим. Ўзимга яхши таниш бадқовоқ уйнинг эшигини тақиллатганимда юрагим гурсиллаб уриб кетди. Кекса қаримсоқдан эшитган барча гапларим эсимга тушди. Ўшанда бу уйга қадам қўйган одамларни ҳадик-хавотир қийноққа солганига асло шубҳа қилмагандим. Мана эндиликда улар босиб ўтган йўлдан ўтмоқдаман, худди улар каби ялиниб-ёлбораман. «Э, йўқ,— деб қатъий қарорга келдим.— Ҳалол одам ҳамиша ҳамма ерда ўз обрўсини сақлаши керак. Пул деб хокитупроқ бўлиш ярамайди. Ўзимни у каби омилкор қилиб кўрсатаман».

Мен квартирадан кўчиб кетганимдан кейин қўшнилардан қутулиш учун Гобсек менинг квартирамни ижарага олган эди. Сўнг у эшикдан панжарали дарча очишни буюрган шу дарчадан афтимни кўргачгина мени уйига киритган эди.

— Қаранг-а,— деди у чийиллаб.— Хўжайинингиз идорани сотмоқчи бўлибди-да!

— Қаердан биласиз буни? Бу ҳақда у мендан бошқа ҳеч кимга гапирмаган эди-ку.

Чолнинг лаблари ёйилди-ю, оғзининг бурчакларида деразаларнинг пардаларидагидек буришиқ пайдо бўлди, аммо унсиз жилмайса-да, нигоҳи совуқ боқарди.

— Фақат шу боисдан сизни бу ерда кўриб турибман,— деди у қуруққина ва жимиб қолди.

Мен саросимага тушиб ўтирадим.

— Гапимга қулоқ беринг, Гобсек ота,— дедим мен ниҳоят

иложи борича хотиржам гапиришга тиришиб, лекин бу чолнинг менга тикандек қадалган тиник, ялтироқ, ҳиссиз нигоҳи анча довдиратиб қўйган эди.

У: «Гапиринг!»— дегандек ишора қилди.

— Раҳмингизни келтириш қийинлигини биламан. Шу боис суханварлик қилиб клеркнинг аҳволи танг эканлигини, бутун умиди сизданлигини, илло, ёруғ жаҳонда унинг келаҗагини ўйладиган биронта яқин кишиси йўқлигини гапириб ўтирамайман. Бироқ яқин кишиларни безовта қилмай, кўнгилни бузадиган гап-сўз ва назокату тавозеларни бир чеккага йиғиштириб қўйиб ишни пухта ҳал қиласайлик. Гап бундай. Хўжайнимга идора йилига йигирма минг даромад келтиради; бироқ мен ўйладиманки, идора қўлимга ўтса, қирқ минг даромад келтиради. Ақлим етади: мана бу ерда,— дедим пешонамга бармоғим билан уриб,— баъзи нарслар бор, бордию сиз шу идорани сотиб олишимга зарур юз эллик минг франк қарз беришга рози бўлсангиз, мен ўн йилда қарзимни узардим.

— Ақлли гап!— деди Гобсек ва қўлимни қисди.— Мен иш бошлаган пайтимдан бери биронта одам келишдан мақсади нималигини бунчалик очиқ-оидин баён этмаган. Гаровга қўядиган нимангиз бор?— деб сўради у менга разм солиб, сўнг шу заҳоти ўз саволига ўзи жавоб берди.— Ҳеч нарса. Ёшингиз нечада?

— Ўн кундан кейин йигирма бешга кираман. Йўқса, шартнома тузолмаган бўлардим.

— Тўғри.

— Хўш, нима дейсиз?

— Майли!

— Ростданми? Унда ҳаммасини тезроқ бир ёқлик қилиш керак, бўлмаса, бошқалар қимматроқ тўлаб илиб кетади.

— Эртага эрталаб метркангизнинг нусхасини олиб кeling, кейин ишингиз хусусида гаплашамиз. Мен ўйлаб кўраман.

Эрталаб соат саккизда мен чолникига этиб келдим. У қўлимдан метркани олди, кўзойнагини тақди, йўталиб, туфлади, қанотсимон ёқали қора плашига маҳкамроқ ўралди, метрканинг нусхасини бошдан-оёқ диққат билан ўқиб чиқди, уни қўлида айлантириб, ялт этиб менга қаради, яна йўталди, стулда типирчилаб шундай деди:

— Начора, кeling, савдолашамиз.

Мен титраб кетдим.

— Мен қарз учун ҳар хил ҳақ оламан,— деди у,— энг ками — эллик, юз, икки юз, гоҳо беш юз процент ..

Рангим ўчиб кетди.

— Хўш, сиздан танишлигимиз учун атиги ўн икки ярим процент оламан...— у чайналди.— Йўқ, бундай эмас, сиздан йилига ўн уч процент оламан. Маъқулми сизга?

— Маъқул,— дедим мен.

— Ўйлаб кўринг, кўп бўлса, талашинг, Гроций¹ (чол баъзан ҳазиллашиб мени Гроций деб атарди). Мен сиздан ўн уч процент сўрайман, касбим ўзи шунаقا. Чамалаб кўринг: шунча процент тўлашга қурбингиз етадими? Дарров рози бўладиган одамни ёқтирамайман. Яна бир марта сўрайман: кўплик қилмайдими?

— Йўқ,— деб жавоб бердим мен.— Тўлайман, фақат қаттиқ берилиб ишлашга тўғри келади.

— Ана холос!— деб луқма ташлари Гобсек менга айёрона кўз қирини ташлаб.— Бундан чиқди, мижозлар тўлашаркан-да?

— Э, йўқ, жин урсин!— деб хитоб қилдим мен,— ўзим тўлайман. Мен одамларни талагандан кўра, қўлимни шартта болта билан чопиб ташлашларига рози бўламан.

— Хайр,— деди Гобсек.

— Гонорарни мен такса бўйича оламан.

— Баъзи ҳолларда такса иш бермайди,— масалан, қарзни тўлаш учун муҳлат олишда, дўстона келишувда. Бундай ҳолда икки, уч минг, ҳатто ишнинг муҳимлиги, музокаралар, сафарлар, актлар, ҳар хил кўчирмалар ва судда гап сотиш учун олти минг франк олиш мумкин. Фақат шундай ишларни топа билиш керак. Мен сизни одамларга билағон ва уддабурон адвокат деб тавсия қиласман, ҳузурингизга мижозларни юбораман, улар сизга шунчалик кўп даъвойи достонларни олиб келишадики, сизнинг адвокат касабаларингиз ҳасаддан ёрилиб ўлади. Менинг касабаларим Вер布鲁ст, Пальма, Жигонне, сизга ер участкаларини мусодара қилиш хусусидаги ишлар топширишади. Уларда бундай ишлар физифик. Демак, сизда икки тур мижозлар бўлади, биттаси хўжайнингиздан қолган, иккинчиси мен топган мижозлар. Очиги, сиздан ўн беш процент олишим керак эди, ахир сизга юз эллик минг берялман-ку.

— Яхши, майли, шундай бўла қолсин, лекин ортиғига рози эмасман,— дедим мен бундан ортиғи тўғри келмаслиги ни писанди қилиб.

Гобсек мулоиймлашди, у мендан мамнун бўлди.

— Идора учун хўжайнингизга пулни ўзим тўлайман,— деди у.— Мен баҳосини камайтиришга, гаров ҳақини озайтиришга уриниб кўраман.

— Бемалол. Ўзингизни маъқул кафолат билан таъминланг.

— Сиз эса, шундан сўнг, ҳар бири ўнг минг франкдан иборат ўн бешта вексель берасиз.

¹ Гроций Гуго (1583—1645) — голландиялик юрист ва реакционист, давлат арбоби, буржуа қонуншунослари уни «халқаро ҳуқуқ отаси» деб эълон қилишган.

— Фақат бу икки томонлама битимни рўйхатдан ўтказиш ба...

— Йўқ!— деб хитоб қилди Гобсек жаҳл билан сўзимни бўлиб.— Нега энди мен сизга кўпроқ ишонишим керак экан.

Мен индамадим.

— Процентлар устига,— деб илова қилди у ҳовуридан тушиб,— сиз кўзим тириклигига менинг ишларимни олиб борасиз. Тузумки?

— Розиман, бироқ ўз маблагимдан сарф-харажат қилмайман.

— Тўғри!— деди Гобсек.— Айтмоқчи,— деб қўшиб қўйди у ҳаётида биринчи марта чиройи очилиб,— сиз уйингизга бориб туришимга ижозат берасиз.

— Сизни кўришдан ҳамиша хурсандман.

— Фақат, биласизми, эрталаб сизга ҳам, менга ҳам бу ноқулай, сизнинг ўз ишининг бор, менинг ўз ишим.

— Кечқурун келинг унда.

— Йўқ, буям тўғри келмайди,— деб эътиroz билдириди у шахдам.— Сиз жамоат орасида бўлишингиз, мижозлар билан учрашишингиз керак. Менинг ошналарим бор, улар билан кечқурунлари, кафеда ўтирамиз.

«Ошноларим? Наҳотки?»— деб ўйладим ичимда.

— Биласизми, тушлик вақтида учрашамиз.

— Жуда соз!— деб маъқуллади Гобсек.— Биржада иш битгандан сўнг, соат бешда. Келишиб олайлик, мен сизникига ҳафтасига икки марта — чоршанба ва шанба кунлари келаман. Биз худди ёр-биродарлардек иш хусусида гаплашамиз. О-ҳо! Мен баъзан хушчақчақ бўлиб кетаман. Сиз мени какликнинг қаноти ва бир қадаҳ шампан виноси билан меҳмон қиласиз, кейин отамлашиб ўтирамиз. Мен жуда кўп ажойиб-гаройиб воқеаларни биламан, буларни энди айтса бўлади, сиз булардан кўп нарсани ўрганасиз, одамларни, айниқса аёлларни билиб оласиз.

— Бўпти! Қаклик ва шампан виноси мендан.

— Ёдингида тутинг, ҳашамга зўр берманг, йўқса ишончидан маҳрум бўласиз. Ўйингизда дабдаба бўлмасин. Битта-яримта кампирни ошпаз қилиб олинг, шу ўзи етади. Мен соғ-саломат юрибсизми, деб хабар олиб турман. Ахир озмунча маблаг қўяядманни сизга! Ҳе-ҳе! Ахир ишларингиз қандай кетаётганини билиб туришим керак-ку. Хўп, омон бўлинг. Кечга яқин хўжайнингиз билан бирга келинг.

— Малол келмаса, менга бир нарсани айгсангиз,— дедим мен чолга у мени остонаяча кузатиб қўйганида,— метркамнинг нусхаси нега керак бўлиб қолди сизга?

Жак-Эстер ван Гобсек елкасини қисди ва айёrona кулиб жавоб берди:

— Ёшлар мунчаям гўл-а! Мен сизга айтсан, жаноб адлиячи, кези келганда лақиллатиб кетмасликлари учун шу

нарсани билиб қўйинг,— башарти одам ўттизга кирмаган экан, унинг ҳалоллиги ва салоҳияти қарзни тўлай олишидан далолат беради. Ўттиздан ошган одамга эса ҳечам ишониб бўлмайди.

Шуну деб орқамдан эшикни ёпди.

Орадан уч ой ўтгач, мен адлиячи бўлдим ва бир оз вақтдан кейин, хоним, сизнинг ишинингизни судда мувваф фақият билан ютиб чиқдим. Бу ютуқ менга озми-кўпми шуҳрат келтирди. Гарчи мен Гобсекка ҳадди-ҳисобсиз процент ҳақ тўласам ҳам, беш йилдан кейин бутунлай ундан қутулдим. Мен Фанни Мальвони жон-дилимдан севиб, унга уйландим. Қисматимизнинг ўхшашлиги, меҳнат билан ўтган ҳаётимиз бизларни чамбарчас боғлади. Унинг бойиб кетган фермер амакиси ўлиб қолди-ю, мерос сифатида етмиш минг франк олди, бу Гобсек билан ҳисоб-китоб қилишимга ёрдам берди. Ўшандан бўён ҳаётим саодат ва хузур-ҳаловатда ўтмоқда. Ўзим ҳақимда ортиқ ҳеч нарса демайман, баҳтли одам ҳақидаги мавзу жуда зерикарли бўлади. Мен шоҳиди бўлган воқеанинг қаҳрамонларига қайтамиз. Конторани сотиб олганимдан кейин бир йил ўтгач, беихтиёр бўйдоқларнинг зиёфатига тушиб қолдим. Ошналаримдан бири хотинбоз олифта йигитга гаровда ютказиб қўйиб зиёфат берабётган эди. Жаноб де Трай, ўтакетган олифта йигит ўша пайтлар оқсуякларнинг меҳмонхоналарида чакана довруқ солмаган эди...

— Хозирам довруги баланд,— деб гап қистирди граф де Борн, адлиячининг сўзини бўлиб.— У фракни антиқа кияди, фойтуналарга олдинма-кетин қўшилган отларни антиқа бошқаради. Максимнинг қандай қарта ўйнашини, қандай еб, қандай ичишини айтмайсизми! Бундай назокатни ва хуш тавозеликни бутун дунёда ҳам тополмайсиз. У пойгачи отларни, янги расм бўлган шляпаларни ва суратларнинг қадрига етади. Хотин-қизлар унга ошиқу беқарор. Йилига у юз минглаб пулни совуради, бироқ унинг арзигулик мулки ёки бир бўйра ери борлигини ҳеч ким ҳеч қаҷон эшитмаган. У замонамизда сайёҳ рицарнинг намояндаси, пойтахтдаги меҳмонхоналарни, пардозхоналарни ва хиёбонларни кезиб юради. У бир амфибиядирки, унинг табиатида эркаклик аломатлари қанча бўлса, хотинлик аломатлари ҳам шунчадир. Ҳа, Максим де Трай жуда гаройиб кимса, жонкуяр ва ғаламис, одамларда қўрқув ва нафрят уйғотадиган нусха, билимдон ва фирт нодон, хайр-саҳоват ва жиноят қўлишга мойил, гоҳ муттаҳам, гоҳ олиҳиммат, қонга эмас, кўпроқ тупроққа беланган уришқоқ, бу шундай одамки, уни виждан азоби эмас, ҳар хил ташвишлар изтиробга солиши мумкин, уни фикр-мулоҳазалардан кўра ҳис-туйгулар кучлироқ хаёлинини банд этади, четдан қараганда қалби эҳтиросга тўла, олов кўринади, аслида эса муз каби совуқ, сургундагилар билан зодагонлар орасидаги ажойиб бирлаштирувчи ҳалқа. Максим де Трай ақл-

ли-хушли одам эди, бундай одамлардан гоҳ-гоҳ Мирабо, Питт, Ришелье, бироқ кўпинча де Хорн, Фукье-Тенвиль ва Конъярларга¹ ўхшаш графлар чиқади...

— Хуллас,— деди Дервиль, виконтессанинг укаси айтган гапларга диққат билан қулоқ бериб,— мен бу одам ҳақида баҳтсиз чол Гориодан жуда кўп эшигандим, шу боис давраларда у билан хатарли учрашуvdан зўр бериб ўзимни олиб қочиб юрардим. Бироқ ошнам мени зиёфатига ҳоли жонимга қўймай шундай таклиф қилдикӣ, мен йўқ дейишга ботинолмадим, билъакс мени одамовига чиқариб қўйишарди. Сиз, хоним, бўйдоқларнинг зиёфатини тасаввур қилишингиз маҳол. Ҳашам, тансиқ таомлар, ҳар хил ноз-неъмат, худди хасис одам шуҳрат кетидан қувиб бир кунда бор-йўғини соvuраётгандек. Хонага кирган киши ҳанг-манг бўлиб қолади: безатилган стол қанчалик батартиб! Кумуш ва биллур ярақ-лаб кўзни олади, қордек оқ ипак дастурхон нуқрадек товланиди. Хуллас, ҳаёт фрайзли ва гулгун. Иигитлар бир-биридан зебо, жилмайишади, худди никоҳ пайтидаги куёвлардек оҳисста гаплашишади, уларнинг теварак-атрофи чиннидек тоза. Икки соатдан кейин эса... Стол усти жанг майдонидаги каби ағдар-тўнтар: ҳаммаёқда синган қадаҳларнинг парчалари, ғижим салфеткалар: товоқларда чала-ярим ейилган гўштлар, уларга қараса одамнинг кўнгли айнийди: қийқириқ, қаҳқаҳа, ҳазил-мутойиба, тўхтовсиз ҳажвий шеърлар ва ялангоч асқиялар, бўғриқиб кетган чеҳралар, маъносиз чақнаган кўзлар; очиқ-ойдин дилда борини изҳор этиш. Вағир-вуғур авжида, биттаси шишани синдиради, бошқаси ашула бошлайди, учинчиси дўстини дуэлга чақиради, бошқалар эса, қарабсанки: қучоқлашишяпти ёки уришишяпти. Ҳаво ниҳоятда бадбўй, унда юзларча ҳидлар омиҳта бўлиб кетган, гўё юз киши бирваракайига бақираётгандек шовқин-сурон. Нима еяётганини, нима ичаётганини, нима деяётганини ҳеч ким билмайди: биттаси қовоқ-тумшуғини осилтириб жим ўтиради, бошқалар чақаги тинмай вайсайди, бирори эса худди жиннидек яккаш бир сўзни такрорлайди, худди қўнғироқдек даранглайди: бир хиллар бу тўполонни босишга ҳаракат қиласди, энг тажрибали одамлар эса ишратхонага боришни таклиф этади. Бордию

¹ Питт Уильям Кенжка (1759—1806) — Англиянинг премьер-министри, XVIII асрдаги француз буржуа революциясининг ашаддий душмани. Герцог Ришелье Арман-Эмманюэль (1766—1822)— Реставрация даврида французларнинг министри. Хорл-Антуан — 1720 йилда ҷархпалакка тортиб ўлдирилган котил. Фукье-Менвиль Антуан Кантен (1746—1795) — инқилоб душманларига қарши курашган, революцион трибуналнинг жамоат қораловчиси, монархия аристократиясининг унга нисбатан нафрати мазкур қиссанинг персонажи граф де Борнининг ташлаган луқмасида ифодаланади, граф унинг исмини жиноятчилар билан биргаликда тилга олади ва Питт хамда Ришелье ҳақида ҳурмат билан сўзлайди. Конъяр Пьер (1779—1831) — ўзини граф қилиб кўрсатган авантюрист: ўғрибоши бўлган.

шу аснода бу ерга ҳушёр одам кириб қолса, ҳойнаҳой, Вакх — яъни май ва ишрат худосига қилинадиган тўй-томоша устидан чиқиб қолибман-да, деган хаёлга боради. Мана шу тўс-тўполонда жаноб де Трай кўнглимни олмоқчи бўлди. Мен ҳали унча-мунчани идрок этардим, шу боис ўзимни ҳушёр тутдим. Аксинча, у маст-аласт кўринар, лекин ҳақиқатда эса эси жойида, фақат ўз ишлари хусусида ўйлар эди. Бу иш қандай содир бўлганини билмайман, у мени тамомила сеҳрлаб қўйди, мен де Гриньон меҳмонхонасидан чиқиб кетаётib, унга сизни эртага кечқурун соат тўққизда Гобсекнинг ҳузурига олиб бораман, деб ваъда қилиб юбордим. Бу гапга чечан де Трай сеҳргарларча усталик билан мени гапсўzlari билан авраб қўйган эди. Ахир у икки гапнинг бирида «кор-номус», «олижаноблик», «графиня», «иффатли аёл», «саҳоватпеша», «баҳтсизлик», «умидсизлик» деган сўзларни тилга олиб турса, ишонмай бўладими?! Эрталаб уйқудан уйғонгач, мен кеча нима деганларимни эслашга уриндим, минг мashaққат билан фикрларимни бир ерга тўпладим. Ҳа, ҳа, бордию мижозларимдан бирининг қизи бугун эрталаб соат ўн иккигача эллик минг франк тополмаса, иснодга қолиши, эрининг ҳурмат ва муҳаббатидан маҳрум бўлишини эсладим. Бу ишда қарта ўйнаб қарз бўлганлик, каретасознинг ҳақи ва қандайдир ортиқча чиқимлар аралашган эди... Менинг ҳушрўй улфатим, ўша хоним анча-мунча бой, тежамкорлиги билан бир неча йил ичидаги мол-дунёсига етказган заарини қоплай олади, деб мени ишонтира бошлади. Шундагина мен ошнамнинг мени зўр бериб ўйига таклиф қиласетганининг сабабини билдим. Уят бўлса ҳам эътироф этаман, бу олифта билан ярашишдан Гобсекнинг ўзи манфаатдор эканини мен зинҳор-базинҳор билмаган эдим. Ўрнимдан турар-турмас, жаноб де Трай етиб келди. Одатдаги кўнгил учун айтиладиган гаплардан кейин мен шундай дедим:

— Граф, очиғи, нима сабабдан сизни Гобсекнинг ҳузурига олиб боришимга ақлим етмаяпти. Ахир у судхўрлар орасида энг назокатли ва энг беозор-ку. Пули бўлса ҳеч йўқ демайди, тўғрироғи, унга етарли кафолат берсангиз бас.

— Жаноб Дервиль,— деди де Трай,— гарчи кеча ўзингиз рози бўлган эсангиз-да, бу ишни сизни зўрлаб аралаштиромайман.

«Ёраб!— хаёлан хитоб қилдим мен.— Наҳотки мен бу одам олдида ўзимни субутсиз қилиб қўрсатаман!»

— Кеча мен сизга Гобсек ота билан бекорга ғижиллашиб қолдим, деб тушунтирган эдим,— деб таъкидлади де Трай.— Ахир бутун Парижда ой охирида, балансни якунламай туриб бир лаҳзада юз минг франк санаб берадиган финансист йўқ. Шуни назарда тутиб мен сиздан у билан ярашириб қўйишингизни илтимос қилган эдим. Хўп, бўпти, бу тўғрида ортиқ гаплашмаймиз...

Жаноб де Трай шундай деди-ю, заҳарханда жилмайиб эшик томон юрди.

— Мен сиз билан бирга бораман Гобсекнинг олдига!— дедим мен. Биз де-Грэ кўчасига етганимизда олифта ола-зарак бўлиб атрофни кўздан кечирди, унинг нигоҳида шундай ваҳима бор эдики, уни кўриб ҳанг-манг бўлиб қолдим. У гоҳ қизарар, гоҳ бўзарар, гоҳ юзи заъфарон тусга кирав, фақат Гобсекнинг зинапоясини кўргандагина манглайида реза тер пайдо бўлди. Биз кабриолётдан сакраб тушганимизда муюлишдан де-Грэ кўчасига киракаш фойтун бурилди. Навқирон олифта қарчигайникидек кўзлари билан дарҳол фойтуннинг бурчагида ўтирган аёлни кўрди, чеҳрасида баралла қувонч балқиди. У бир болани чақириб отнинг жиловидан ушлаб туришни амр қилди. Биз зинадан кўтарилиб кекса дисконтёрнинг¹ ёнига кирдик.

— Жаноб Гобсек,— дедим мен,— мана мен сизнинг ҳузурингизга жонажон дўстларимдан бирини олиб келдим. (Аэроилдан қўрққандек қўрқинг ундан, деб чолнинг қулоғига шипшидим). Ишонаманки, менинг ўтинчимга қулоқ осиб, аввалги дўстлик риштасини қайта боғлайсиз (ҳар вақтдаги-дек процент ҳисобига) ва уни фалокатдан халос қиласиз (башарти сизга фойдали бўлса).

Жаноб де Трай судхўрга икки букилиб таъзим қилди ва унинг гапларини эшлишга тайёрланиб худди сарой аъёнидек назокат билан ройиш ўтиради. Унинг ҳозирги туриши ҳар кимни ҳам мафтун этарди: бироқ менинг Гобсеким мўъжаз камин олдидা ҳамон қимир этмай, без бўлиб ўтираради. У, кўринг-кўрманг, француз комедия театрининг айвонига қўйилган, кечки чироқлар билан ёритилган Вольтернинг ҳайкалига ўхшаб кетарди. У бошидан тушмайдиган исқирт картузини салгина кўтариб саломлашган бўлди, шунда йилт этиб кўзга ташланган, эски мармардек сарғайиб кетган ярғоқ боши ҳайкалга ўхшашлигини мукаммал тўлдириди.

— Менда фақат доимий мижозлар учунгина пул бор,— деди у.

— Бундан чиқди, кафангадо бўлиш учун бошқаларнинг олдига борганимдан ранжибсиз-да?— деди граф жилмайиб.

— Кафангадо бўлгани?— киноя билан сўради Гобсек.

— Сиз ҳамёнида сариқ чаقا ҳам йўқ одам кафангадо бўлмайди, демоқчимисиз? Қани, Парижда мендан ҳам бадавлатроқ одамни топиб кўринг-чи!— деб хитоб қилди бу олифта ва ўрнидан туриб пошнасида чир айланди.

Унинг ҳазилкашлик билан қилган бу қилифи гарчи чуқур маънони англатса ҳам Гобсекка заррача таъсир қилмади.

— Менинг энг қалин дўстларим кимлар?— деб сўзида давом этди де Трай.— Ронкероль, де Марсе, Франкессини,

¹ Дисконтёр — векселларни ҳисоб-китоб қилувчи одам.

ака-ука Ванденес, Ажудо-Пинто жаноблар, хулласи калом Парижнинг ажойиб йигитлари. Мен қарта столида бир шаҳ зоданинг ва ўзингизга яхши таниш элчининг ҳамишаги шери гиман. Менга Лондондан, Карлсбаддан, Бадендан, Батда даромад келиб туради. Тушум зўр! Гапим нотўғрими?

— Тўғри.

— Сиз доим мени ўз ноғорангизга ўйнатасиз!— Зодагон лар орасида менга олтинни шилиб олишга имкон берасиз аҳволим танг пайтда оғзи-бурнимдан булоқдек тирқирата сиз. Ҳазир бўлинг, бу иш сизнинг ҳам бошингизга тушиши мумкин. Ўлим сизни ҳам сиқиб сувингизни олади.

— Эҳтимол.

— Айтмоқчи, исрофгарлар бўлмаганда нима қилардин гиз? Биз худди эт билан териdek бир-биrimизга керакмиз.

— Тўғри.

— Қани қўлни ташланг; Гобсек ота, ярашамиз. Бордик бу иш тўғри ва ҳаққоний бўлса ҳиммат қилинг.

— Сиз меникита келдингиз,— деди судхўр лоқайдгина,— бунинг боиси шуки, сизнинг векселларингиз Жирар, Пальма Вербуст ва Жигоннеларнинг меъдасига зифир ёғдек урган Улар ҳатто эллик процент зарапига ҳам уларни ўтказолмағ гаранглар. Ваҳоланки сизга вексельда кўрсатган пулнинг фақат ярмини тўлаган бўлсалар керак, бундан чиқадики, сизнинг векселларингиз йигирма беш процент ҳам турмайди Йўқ, йўқ, каминангизга асло тўғри келмайди!— деб гапидавом этди Гобсек.— Ахир чўнтагида ҳемириси йўқ, аммо у юз минг франк қарзи бор одамга ақаламати бир тийин ҳам қарз бериб бўладими? Бундан икки кун олдин барон Нусен-генникида сиз қарта ўйнаб ўн мингни бой бердингиз.

— Марҳаматли жаноб,— деди граф сурбетларча унг бошдан-оёқ разм солиб,— менинг ишимга аралашманг. Олмоқнинг бермоғи бор.

— Тўғри.

— Менинг векселларимга ҳамиша пул тўланади.

— Эҳтимол.

— Ҳозирги пайтда масала бир нарсага келиб тақалади мен оладиган қарзимга яраша гаров қўя оламанми, йўқми?

— Тўғри.

Кўчадан уй ёнига яқинлашиб келаётган фойтуннинг тақиллагани эшитилди.

— Ҳозир сизга баъзи нарсаларни олиб келаман, ўйлайманки, сиз бундан тамомила мамнун бўласиз,— деди де Трай ва хонадан чопганча чиқиб кетди.

— Э, бўтам!— деб хитоб қилди Гобсек ўринидан чаққон туриб менинг қўлларимни қисаркан.— Бордию у гаровга қўядиган буюм ҳимматбаҳо бўлса, ҳаётимни сақлаб қоласан! Ахир оз бўлмаса ҳаётдан кўз юмардим! Вербуст билан Жигонне мени кулги қилмоқчи бўлишибди. Бироқ сенинг

шарофатинг билан бугун кечқурун уларни мен калака қиласман.

Бу чолнинг шодлигига нимадир даҳшатли бир нарса бор эди. Менинг олдимда у биринчи марта севинаётган эди, лекин бу қувонч бир зумлик бўлса-да, ҳеч қачон хотирамдан чиқмайди.

— Марҳаматингизни дариғ тутмай, пича ёнимда бўлсан-гиз,— деб илова қилди Гобсек.— Рост, тўўпончам бор, аниқ нишонга уришимга имоним комил, йўлбарс овига ҳам чиққанман, палубада жон олиб жон берадиган абордаж жангларида қатнашганман, лекин шунга қарамай бу олифта мурдордан ҳайиқаман.

У ёзув столига борди-да, курсига ўтирди. Чеҳраси яна рангпар ва хотиржам бўлди-қолди.

— Шунаقا гаплар!— деди у мен томонга ўгирилиб.— Турган гапки ҳозир сизга қачонлардир сўзлаб берганим, соҳибжамолни кўрасиз. Мен коридорда бу зодагон жувоннинг қадам ташлашини эшитяпман.

Чиндан ҳам навқирон қуруқ савлат бир хонимни қўлтиғидан олиб кириб келди. Мен хонимни бир кўришдаёқ танидим, у кекса Горионинг қизларидан биттаси эди. Бир куни Гобсек таърифлаган графиня шу бўлиб, чол шунинг ётоғига кирган эди. Аввалига у мени пайқамади, сабабки, мен дераза тахмонида турган ва дарҳол юзимни ойна томонга ўгириб олган эдим.

Графиня судхўрнинг зах ва қоронғи кулбасига киргач, Максим де Трайга шубҳа билан қараб қўйди. У шунчалар зебо эдики, барча гуноҳларига қарамай унга юрагим ачиди. Унинг юрак-бағри қаттиқ азоб-уқубатдан ўртанаётгани, латиф ва мағрут чеҳрасига чала-ярим парда тортган пинҳона алам ҳуснини бузаётгани кўриниб турарди. Навқирон қуруқ савлат унинг учун баайни иблис, бошига битган бало эди. Мен Гобсекнинг олдиндан кўра билишлик салоҳиятига қойил қолдим,— бундан тўрт йил аввал бу икки кимсанинг биринчи векселиданоқ уларнинг тақдирини айтиб берган эди. «Хойнаҳој фариштанусха бу маҳлук,— деб ўйладим мен,— жувонга ҳукмини ўтказиб олган, унинг барча заиф томонларидан: иззатталаблигидан, рашкидан, ҳузур-ҳаловатга ташналигидан, оқсуякларча базму зиёфатларга ўчлигидан фойдаланади...»

— Ҳа, бу жувоннинг кўнгилчанлиги унинг қўлида бир қурол бўлиб хизмат қилган!— деб гап қистирди виконтесса. — Унинг вафодорлигидан фойдаланган, кўнглини бузиб раҳмини келтирган, биз аёлларгагина хос бўлган олиҳимматликни мақтаб лофт урган, мулойимлигини сунистеъмол этган ва жиноий қувончларни унга жуда қимматга сотган...

— Сизга эътироф этаманки,— деб гап бошлади Дервиль де Гранлье қилаётган имо-ишораларни пайқамай,— мен бу

ташидан латофатли, ичидан чириган баҳтсиз аёлнинг шўр тақдирига сира ачинганим йўқ, бироқ унинг манглайи тоза, дудоқлари атиргул ғунчасидек тароватли, табассуми жозибали, садафдек тишлари оппоқ фариштанамо ҳамсояси бўлмиш навқирон олифтага нафрат билан қарадим. Улар иккобиши шу чоқ ўзларининг ҳакамлари қархисида туришарди, у эса буларни худди ўн олтинчи асрда кекса роҳиб муқаддас инквизиция зиндонида қийноққа солинаётган динсиз икки маврга қарагандек кўздан кечиради.

— Жаноб,— деди графиня овози қалтираб,— қайтариб олиш шарти билан мана бу бриллиантларнинг тўла-тўқис ҳақини олса бўладими?— шуни деб у Гобсекка қутича узатди.

— Бўлади, хоним,— деб луқма ташладим мен дераза тахмонидан чиқиб.

Графиня ялт этиб мен томонга қаради, мени таниб чўчиб кетди ва очиқ-ойдин: «Сиримни очманг», дегандек назар ташлади.

— Биз, юристларда бундай битим «кеини харид қилиш ҳуқуқи билан шартли сотиши» дейилади, бундай кезларда мол-мулк ва ҳовли-жойни маълум муддатга топшириш кўзда тутилади, муддат ўтиб, сотиб олган кишига келишилган маблағ тўлангач, хусусий мулк ўз эгасига қайтарилиши мумкин.

Графиня устидан тоғ ағдарилгандек енгил тортди. Максим де Трай чамаси бриллиантнинг баҳоси қатъий эмаслиги важидан судхўр кам пул бериши мумкинлигидан чўчиб, қошқовоғини уйиб олди. Гобсек чурқ этмай лупани олди ва қутича ичидаги буюмни кўздан кечира бошлади. Дунёда яна юз йил яшасам ҳам, бу манзарани зинҳор-базинҳор унумтайди. Чолнинг рангпар юзига қизиллик югурди. Кўзи ғайри-табиий чақнади, уларда, гўё бриллиантларнинг жилоси акс этгандек бўлди. У ўрнидан туриб дераза олдига борди ва асил тошларга харислик билан тикилар экан, уларни тишсиз оғзига, шундай яқин олиб келардики, гўё уларни ютиб юбормоқчидек туюларди. У нимадир деб ғўлдирап, қутичадан гоҳ билагузуклар, гоҳ шокилали зирақлар, гоҳ тиллақошларни олар, уларнинг суви нечоғлик тозалигини ва олмосларнинг рангини аниқлаш учун айлантириб кўрап, бирон қусури йўқ-микин, деб текширап эди. У бу зеб-зийнатларни қутичадан олар, қайта уларни жойлар, яна олар, чўғдек ёнсин деб яна айлантирап эди. Шу аснода у чолга қараганда кўпроқ ёш болага ўхшар, тўғрироги, ҳам бола, ҳам чол эди.

— Нақадар соз! Эҳ, мунча яхши-а! Бундай бриллиантлар революциядан олдин уч-юз минг турарди! Суви қанчалар тиниқ! Турган гапки, бу Ҳиндистондан, Голкондан ёки Висапурдан келтирилган. Э, сизлар бунинг қадринию баҳосини билармидингиз ҳеч замонда! Йўқ, йўқ, бутун Парижда буларнинг қадрию баҳосига фақат Гобсек ета олади. Империя

даврида буюртмага шундай безакларни тайёрлатиш учун икки юз мингдан ортиқ тўлаган бўлишарди.— У алам билан қўл силтаб давом этди:— Ҳозир кун сайн бриллиантларнинг нархи тушиб кетяпти! Битим тузилганидан кейин Бразилия бозорни олмосларга тўлдириб юборди, лекин уларнинг суви сарғиш, ҳиндларникидақа эмас. Бунинг устига хонимлар эндиликда бриллиантларни фақат сарой балларида тақишияпти. Хоним, сиз саройда бўлиб турасизми?

Бу гапни зарда билан айта туриб, чол бениҳоя завқ-шавқ билан бриллиантларни бирин-кетин томоша қиласади.

— Яхши! Заррача доғ йўқ!— деб ғўлдиради у.— Мана бунда заррадек ҳол бор! Буниси дарз кетган! Манависи бағоят чиройли! Гўзал!

Унинг раңгпар юзи олмосларнинг ялт-юлт товланишидан ёришиб кетган эди. Шу он хаёлимга вилоят меҳмонхоналаридаги яшилворий эски ойналар келди, уларда нурлар жилланмайди, уларга қарашга журъат этган одамнинг аксини миясига қон қуюлиши ҳаттижасида жон таслим қилаётган алфозда кўрсатади.

— Ҳўш, қалай?— деб сўради граф Гобсекнинг елкасига қоқиб.

Кекса гўдак чўчиб тушди. У ардоқли ўйинчоқларидан бошини кўтарди-да, уларни ёзув столи устига териб қўйди ва курсига ўтиради-ю, яна ўша-ӯша одобли, лоқайд ҳамда мармар тошдек ҳиссиз судҳўрга айланди-қўйди.

— Сиз қанча қарз кўтармоқчисиз?

— Юз минг. Уч йил муддатга,— деди граф.

— Нима ҳам дердим, бўлади,— деб розилик билдириди Гобсек, қизил дараҳтдан ясалган қимматбаҳо қутичасидан бебаҳо, аниқ тарозусини авайлаб оларкан.

У бриллиантларни тортди, эски нигинхонани чамалаб кўрди. Бу пайт унинг юзида қувонч ва буни яшириш учун интилиш ифодалари зоҳир эди. Графиня эсанкираганча ўйга чўмиб қолганди; унинг бу аҳволини кўриб мен севиндим, зеро назаримда жувон қандай разолат ботқоғига ботганини тушунгандек эди. Бундан чиқди, ҳали у ор-номусни бутунлай йўқотмаган, балки жиндек ҳафсала қилиш ва ҳамдардлик кўрсатиб ёрдам қўлини чўзиш билан жар ёқасидан уни қутқариб қолишининг иложи бўлар. Мен ҳаракат қилиб кўрдим.

— Бу сизнинг ўз бриллиантларингизми, хоним?— деб сўрадим ундан.

— Ҳа, жаноб,— деди у менга кибру ҳаво билан қараб.

— Кейин сотиб олиш шарти билан акт ёзинг, вайсақи,— деди Гобсек ва ўрнидан тураётиб менга ўз курсисини кўрсатди.

— Сизнинг, хоним, ҳойнаҳой эрингиз бордир?— деб иккинчи саволни бердим.

Графиня бетоқат бошини лиқиллатди.

— Акт тузишдан бош тортаман! — деб хитоб қилдим мен.

— Нега энди? — деб сўради Гобсек.

— «Нега» бўларди? — дедим мен аччиғим чиқиб, кейин чолни дераза, томон бошлаб бораётib шипшидим: — Эрлик хотин ҳамма нарсада эрига қарам, шунинг учун битим ҳақиқий бўлмайди, сиз бундан бехабар эдим, деб баҳона қилолмайсиз, чунки акт бор. Сиз бу бриллиантларни кўрса-тишингизга тўғри келади, чунки актда уларнинг оғирлиги, баҳоси ва ҳоказолар кўрсатилади.

Гобсек бош иргаб сўзимни бўлди ва икки хиёнатчига қаради.

— У тўғри гапирияпти. Шартлар ўзгаради. Саксон минг нақд тўланади, бриллиантлар менда қолади, — деб қўшимча қилди чол бўғиқ овозда. — Ўй анжомларига битим тузганда гаровга қўшилган буюм ҳар қанақангি актлардан афзалдир.

— Лекин... — деб де Трай гап бошлаган эди, Гобсек шартта унинг гапини бўлди-да, қутичани графиняга узатди.

— Рози бўлинг ёки қайтариб олиб кетинг. Бошимни фалвага қўйиши истамайман.

— Гунсҳингизга иқорор бўлиб, ўзингизни эрингизнинг оёғига ташланг яхшиси, — деб шипшидим графиняга.

Судхўр лабимнинг қимирлашидан нима деганимни ту-шунди ва менга совуқ назар ташлади.

Ёш олифта бўздек оқариб кетди. Графиня тараддудга тушиб қолди. Максим де Трай унинг ёнига келди, у ҳар қанча секин гапирмасин, барibir унинг гаплари қулогимга чалинди: «Алвидо, қимматли Анастази. Бахти бўл. Мен эсам... Эртагаёқ барча ташвишлардан халос бўламан».

— Жаноб! — деб хитоб қилди графиня, ялт этиб Гобсекка қараб. — Мен розиман, шартларингизни қабул қила-ман.

— Мана бу бошқа гап! — деди чол. — Сизни гапга кўнди-риш қийин экан, соҳибжамол. — У банк чекига эллик мингга имзо қўйди-да, графиняга топширди. — Бунинг қўшимчаси-га, — деди у Вольтернинг жилмайшидек жилмайиб, — қолган пул ҳисобига сиз учун энг ишончли ўттиз минг сўмга векселлар бераман. Баайни бу пулни тилла билан тўлаган-декман. Граф де Трай ҳозиргина менга: «Менинг векселимга ҳамма вақт пул тўланади», деб айтди, — давом этди Гобсек графиняга граф имзо чеккан, куни кеча Гобсекнинг ошнала-ридан бири судга оширган ва чамаси унга сув текинга пулланган векселни узатиб.

Максим дё Трай ғингшиди, бу ғингшишда «қари мутта-ҳам!» деган сўз баралла сезилди.

Гобсек пинагини ҳам бузмади, картон филофдан бир жуфт тўппончани бамайлихотир олди-да, совуқнина деди:

— Ҳақорат қилинган шахс сифатида биринчи бўлиб отиш ҳуқуқи менда.

— Максим,— деб базўр қичқирди графиня,— узр сўранг!
Сиз жаноб Гобсекдан узр сўрашингиз керак.

— Жаноб, сизни ҳақорат қилиш ниятим йўқ эди,— деб гулдиради граф.

— Мен буни жуда яхши биламан,— деди Гобсек хотиржам.— Сизнинг ниятингиз векселларга ҳақ тўламаслик эди.

Графиня ўрнидан турди-да, таъзим қилди ва ваҳима босди шекилли, чопганча чиқиб кетди. Граф де Трай унинг орқасидан талпинди, бироқ хайрлашаркан, бундай деди:

— Бордию бу тўғрида чурқ этиб оғиз очсангиз, жаноблар, ё сизнинг, ё менинг қоним тўқилади.

— Омин!— деди унга жавобан Гобсек тўппончаларни яшириб.— Ўз қонини тўкиш учун кишининг қони бўлиши керак, чирофим, сенинг томирларингда қон ўрнига бўтана оқади.

Кўча эшик қарс этиб ёпилиб, иккала фойтун жўнаб кетгач, Гобсек сапчиб ўрнидан турди ва ўйинга тушиб қичқирди:

— Ана, бриллиантлар менда! Улар менини! Қулинг ўргилсин бриллиантлар! Ажойиб бриллиантлар! Сув текин тушди-я! Ҳолингиз қалай, Вербруст ва Жигонне жаноблар! Сиз кекса Гобсекни лақиллатмоқчи бўлганмидингиз? Мен ўзим сизларни лақиллатдим! Мен оладиганимни олволдим! Менга етишингизга йўл бўлсин сизларга! Парвозингиз паст! Домино устида бу воқеани гапириб берганимда роса кулгили аҳволга тушадилар-да!

Бу қаҳрли шодлик, ялтироқ тошларни қўлга киритган ёвойи одамнинг ғазабнок тантанаси мени ҳанг-манг қилиб қўйди. Мен тилим калимага келмай тахта бўлиб қолдим.

— Э, ҳали шу ердамисан, қарофим! Бутунлай унугиб юборибман. Бугун бирга овқатланамиз. Сеникида, ахир мен рўзғорга қарамайман-ку, анави ресторонда тортиладиган сардакларию қайлалари, шароблари меъдага тегиб кетган, улар нақ иблисни ҳам заҳарлашади.

Ниҳоят, у юзимдаги ўзгаришни кўриб, дарҳол ҳиссиз, доқайд одамга айланди-қўйди.

У камин ёнига, манқал устида сут солинган кастрюлка турган ерга ўтираётиб:

— Буни сиз тушунмайсиз,— деди.— Мен билан овқатлашини истайсизми? Бемалол икковимизга етади.

— Йўқ, раҳмат,— дедим мен.— Мен мудом пешинда овқатланаман.

Шу пайт йўлакда аллакимнинг шошиб-пишиб келаётгани эшитилди.

Кимдир Гобсекнинг эшиги тагида тўхтади ва ғазаб билан эшикни тақиллатди. Судхўр остона олдига борди-да, дарчадан мўралаб эшикни очди. Уттиз бешларга борган бу киши унга беозор кўринди шекилли, уни ичкарига киргазди.

Келгинди оддий кийинган, савлати эса марҳум герцог Ри-

шельени эслатарди. Бу киши графиняниң эри эди: балки уни оқсусыклар орасида учратгандирсиз — ўхшатганим учун мени афв этинг; шу атрофда истиқомат қилувчи давлат арбобларилик басавлат эди.

— Жаноб,— деди у яна хотиржам бўлиб олган Гобсекка,— хотиним сизнинг олдингизга келдими?

— Эҳтимол.

— Нима бало, жаноб, гапимга тушунмаяпсизми?

— Сизнинг хотинингиз билан таниш эмасман,— деди судхўр.— Бугун эрталаб олдимга жуда кўп одам келди. Эркаклар, хотинлар, йигитчаларга ўхшашиб қизлар ва қизларга ўхшаш йигитчалар. Рост, эслаш қийин менга...

— Ҳазилни қўйинг, жаноб! Мен хотинимни сўраяпман. У ҳозиргина олдингизда эди.

— У хоним сизнинг хотинингиз эканлигини мен қаёқдан билай? Мен сиз билан учрашиш баҳтига ноил бўлган эмасман.

— Янглишасиз, жаноб Гобсек,— деди граф кесатиб.— Биз сиз билан бир куни хотинимни ётоғида учрашганимиз. Сиз хотиним бир тийин ҳам олмаган векселга пул ундиргани келгандингиз.

— Бу пулни нима эвазига тўллаганини суриштириб билиш — менинг ишим эмас,—деб эътироz билдириди Гобсек графга истеҳзоли назар ташлаб.— Мен унинг векселини бир ҳамкарабамдан ҳисоб-китоб қилаётгандা олган эдим. Дарвоқе, ижозатингиз билан сизга шуни айтсан, граф,— деб илова қилди Гобсек заррача ҳаяжонга тушмай, сутга кофе қўшар экан,— менинг фикримча каминага ўз уйимда панднасиҳат қилишга сизнинг ҳақингиз йўқ. Мен, жаноб, ўтган асрнинг олтмиш биринчи йилидаёқ балогат ёшига етганман.

— Марҳаматди жаноб, сиз хотинимдан ниҳоятда наст баҳода бриллиантларни сотиб олгансиз. Бу бриллиантлар уни-ки эмас, менга мерос қолган қимматбаҳо буюмдир.

— Менинг ўзимнинг олди-соғди ишларим сирини сизга очишига мажбур эмасман, лекин сизга айтиб қўйяй, бордию графиня бриллиантларни сиздан бесроқ олган экан, сиз хат орқали барча заргарларни огоҳлантириб, уларни сотиб олманглар, деб тайинлаб қўйишингиз даркор эди. Йўқса, рафиқангиз уларни бўлиб-бўлиб сотиб юбориши мумкин эди.

— Жаноб!— деб хитоб қилди граф.— Ахир сиз менинг хотинимни биласиз-ку!

— Тўғри.

— Эрлӣ хотин бўлгани учун эрига бўйсуниши шарт.

— Эҳтимол.

— Бриллиантларни пуллашга унинг ҳақи йўқ!

— Рост.

— Нега энди бундай бўлди-а, жаноб?

— Бунинг сабаби бор! Мен хотинингизни биламан,

у эрига бўйсуниши шарт,— гапингизга қўшиламан: у яна бошқаларга ҳам бўйсунар экан,— лекин сизнинг бриллиантларингиздан хабарим йўқ. Башарти рафиқангиз векселларга имзо чекар экан, турган гапки, у савдо-сотиқ битимларини ҳам туза олади, бриллиантларни харид қилиши ёки сотиш учун комиссияга олиши ҳам мумкин. Шунақасиям бўлади.

— Яхши қолинг, жаноб!— деди граф жаҳлдан ранги бўз-дек оқариб.— Суд бор-ку.

— Рост.

— Манави жаноб,— деб қўшимча қилди граф мени кўр-сатиб,— олди-сотдининг шоҳиди бўлган.

— Эҳтимол.

Граф эшик томон юрди.

Иш қалтис тус олаётганини кўриб, орага тушишни ва рақибларни муросага келтиришни лозим топдим.

— Граф,— дедим мен,— сиз ҳақсиз, аммо жаноб Гобсекда ҳам айб йўқ. Сиз хотинингизни бир чеккада қолдириб, жаноб Гобсекни судга тортолмайсиз, зотан бу суд мажлисидан ёлғиз хотинингизнинг ўзи шарманда бўлмайди. Мен адлиячиман, давлат вакили ва ҳалол одам сифатида олди-сотди менинг кўзим олдида бўлиб ўтганини тасдиқлашга ўзимни мажбур деб биламан. Лекин мен сиз бу олди-сотдини қонунга хилоф деб бекор қилишингизга ишонмайман, боз устига сотилган бриллиантлар ҳақиқатан ҳам сизники эканлигини исботлаш маҳол. Адолат юзасидан сиз ҳақсиз, лекин қонун бўйича мағлубиятга учрашингиз аниқ. Жаноб Гобсек инсофли одам, у бриллиантларни ўзи учун жуда фойдали тарзда сотиб олганини инкор этмайди. Мен ҳам ўз бурчим ва виждоним ҳақи, шундайлигига гувоҳлик бераман. Агар сиз судга берсангиз, унинг оқибати ниҳоятда шубҳали. Мен сизга жаноб Гобсек билан муросага келишингизни маслаҳат бераман. Ахир у судда ўзининг ҳалоллигини исботлай олади, сизга эса ўша пулларни барибир тўлашингизга тўғри келади. Сиз бриллиантларингиз етти, саккиз ойга, борингки, бир йилга гаров қўйилган деб ҳисобланг, ростда, ахир графикя олган пулни бу вақт ичida тўлолмаслигингиз мумкинку. Эҳтимол, сиз уларни бўгуноқ сотиб олишни маъқул кўрарсиз. Албатта, бу ишда сиз етарли кафолат беришингиз керак бўлади.

Судхўр бамайлихотир нонни кофега бўктириб, парвойи фалак нонушта қиласади, бироқ «муросага келинг», деган гапни эшишиб, ялт этиб менга қаради. Бу унинг: «Баракалла! Мен берган сабоқ бекор кетмабди», дегани эди. Мен унга нигоҳимни ташладим, бунинг маъносини у дарров тушунди: «Бу иш шубҳали ва хавфлидир, сиз дарҳол келишиб, шартнома тузишингиз даркор». Судда мен бор ҳақиқатни гапиришимни билиб, Гобсек тихирлик қилмади. Граф лутфан жилмайиб, менга миннатдорлик билдири. Айёрглик ва очкўзлик

бобида Гобсек ҳар қандай дипломатик конгресс иштирокчиларини бир чўқиша қочирадиган узоқ музокаралардан кейин мен акт туздим, бунда граф Гобсекдан бу маблағга қарз процентларини қўшган ҳолда саксон беш минг франк олганига иқор бўлди, Гобсек эса, қарз бутунлай тўланса, бриллиантларни графга қайтариб бериш мажбуриятини олди.

— Бу қандай исрофгарчилик! — деб хитоб қилди графинянинг эри афсус-надомат билан актга имзо чекар экан. — Бу мушкул аҳволдан қандай қилиб қутулиб кетиш мумкин экан?

— Жаноб, болаларингиз кўпми? — жиддий оҳангда сўради Гобсек.

Бу саволдан граф сесканиб кетди, кекса судхўр гўё тажрибали врачек дарҳол оғриётган жойни топган эди. У чурқ этиб оғиз очмади.

— Шундай экан-да, — деб фўлдиради Гобсек ўшшайиб турган графнинг аҳвол-руҳиясини тушуниб. — Мен бошингиздан ўтганларини беш қўлимдек биламан. Бу аёл — иблис, сиз ҳамон уни севасиз шекилли. Тушунаман! У ҳатто мени ҳам ҳаяжонга сола билди. Балки сиз мол-дунёнигизни сақлаб қолишини ва биттами-иккитами фарзандингизга олиб қўйинши истарсиз? Сизга маслаҳатим шуки, айш-ишират қилинг, хўжакўрсинга қарта ўйнанг, пулларингизни елга совуринг ва тез-тез Гобсекнинг олдига келиб туринг. Оқсуяклар доирасида мени жуҳуд, ваҳший, судхўр, қароқчи деб аташади, сени у кафангаго қиласи. Тупураман бу гапларга! Мени ҳақорат қилган дилозор хор бўлади. Қамина қулингиз тўппончадан бехато отади, қиличбозлиknинг ҳам ҳадисини олган. Буни ҳамма билади. Яна сизга маслаҳатим шуки, ишончли дўст топинг, эвини қилолсангиз, ёлғондака олди-сотди йўли билан бутун мол-мулкингизни унга топширинг... Фарзандингиз вояга етканда, бутун мулкингиз ўшаларга тақсимланади... Сиз юристларда бу нима дейилади? Фидеикомис шекилли? — деб сўради у менга ўғирилиб.

Ўз хаёллари билан банд бўлган граф кетиши олдидан Гобсекка шундай деди:

— Эртага пулингизни келтириб бераман. Бриллиантларни тахт қилиб туринг.

Биз холи қолгач Гобсек нафрат билан сўз қотди:

— Менимча, у сизнинг барча инсофли одамларингиз каёнлақма.

— Яхиси, оташин муҳаббат қурбони, денг.

— Гаров хати учун пулни сизга граф тўлай қолсин, — деди Гобсек мен у билан хайрлашаётганимда.

Менга оқсуяк аёлнинг қабиҳ сирларини фош этган ўша воқеадан кейин бир куни эрталаб ҳузуримга граф кириб келди.

— Жаноб,— деди у кабинетимга киргач.— Мен жуда ҳам муҳим иш юзасидан сиз билан маслаҳатлашмоқчиман. Шунни сизга эътироф этаманки, сизга бутунлай ишонаман ва умид қиласманки, буни исботлайман. Де Гранлье ишида тутган йўлингиз ҳар қандай мақтовга лойиқ. (Мана кўрдингизми, хоним,— деди адлиячи виконтесса томонга ўгирилиб.— Сизга оддийгина хизмат кўрсатдим, бунинг учун эса неча марта мақтовга сазовор бўлдим...) Мен графга эҳтиром билан таъзим қилдим ва мен фақат ҳалол одамнинг бурчини адо этдим, дедим.

— Гап бундай, жаноб, мен у гаройиб одам ҳақида хўп сўраб-суриштирдим. Ахир ҳозирги тутган мавқенгиз унинг шарофатидан-ку. Олган маълумотларимга асосланиб айта оламанки, ўша Гобсек шарму ҳаёсизлар мактабининг худо урган файласуфи. Унинг ҳалоллиги ҳақида фикрингиз қандай?

— Граф,— дедим мен.— Гобсек менга ҳиммат қилди... Ун беш процентдан,— деб илова қилдим кулиб.— Бироқ унинг хасислиги менга сира бегона одам билан очиқ гапириш ҳуқуқини бермайди.

— Галираверинг, жаноб. Сизнинг ростгўйлигингиз на унга, на сизга зарар етказади. Мен бу судхўр сиймосида фариштани кўришни умид қилмайман.

Госбек отанинг,— дедим мен,— бир қоидаси бор, унга доимо амал қиласди. У пулни товар деб ҳисоблайди, вазиятга қараб ҳеч пинагини бузмай уни ё арzon, ё қиммат пуллайди. Унинг фикрича, қарзи эвазига катта процент оладиган судхўр ҳам ҳар бир даромадли ишда ва олди-сотдида қатнашадиган одам каби капиталистдир. Бордию унинг молиявий принципларини ва одамзоднинг табиати ҳақидаги мулоҳазаларини олиб ташласа, имоним комилки, бу хусусиятларсиз у бутун бошли Парижда энг инсофли одамдир. Унда икки нарса мавжуд: зиқналиқ ва файласуфлик, пастарин ва улуғ инсон. Башарти мен ёш-ёш болаларимни етим қолдириб ўлиб кетсан, уларни у ўз бағрига олади. Мана, жаноб, шахсий кузатишларимга таяниб Гобсекни шундай одам деб биламан. Унинг ўтмиши ҳақида мен ҳеч нарса билмайман. Эҳтимол у қароқчи бўлгандир: эҳтимол овораи жаҳон дарбадар юргандир, бриллиантлар ва одамларни, аёлларни ва давлат сирларини сотгандир, лекин имоним комилки, биронта одам синовларда уччалик тобланмаган. Мен қарзимни олиб келиб, ҳаммасини тўлаб ундан қутулганимдан кейин ётифи билан мендан қандай ниятда бунчалик кўп процент ҳақ олдингиз ва ўз дўстингизга ёрдам қилиш истагингиз бор экан, нега бу ҳимматни тамомила беғараф қилмадингиз, деб сўрадим. «Ўғлим, мен сени миннатдорлик билдириш заруратидан халос қилдим, қолаверса, сен ўзингни менга муте билмайсан. Шу боис биз дунёда энг қалин дўстлармиз». Унинг бу жавоби,

жаноб, Гобсекнинг феълини мен айтган гаплардан кўра аникроқ очиб беради.

«Қарорим қатъий,— деди граф.— Мол-мулкимни Гобсекнинг ҳукмига топшириш ҳақидаги зарур қоғозларни тайёрлайверинг. Мен, жаноб, қарши тилхат ёзишни фақат сизга ишонаман, бунда у олди-сотди қалбаки эканлигини баён қиласди, мол-мулкимни ўзим истаганимча ишлатишимга ва уни балофатга етганидан кейин тўнгич ўғлимнинг қўлига топширишга сўз беради. Лекин мен сизга бир нарсани айтиб қўймоғим керак: тилхатни уйимда сақлашга қўрқаман. Ўғлим онасига шундай меҳр қўйганки, бу қимматбаҳо ҳужжатни унга ишониб топширолмайман. Уни ўзингиз сақлаб қўйишингизни сиздан илтимос қиласман. Бордию Гобсек ўлибнетиб қолгудек бўлса, менинг мол-мулкимни сизга мерос қолдиради. Шундай қилиб, ҳаммаси ўйлаб қўйилган.

Граф гапдан тўхтади, у жуда ҳаяжонланган қўринарди.

— Безовта қилганим учун минг карра узр,— деди у ниҳоят,— очифи, мен қаттиқ изтиробдаман, саломатлигим ҳам яхши эмас, нуқул хавотирга солади. Анави кўнгилсиз воқеа менга шафқатсиз зарба бўлди. Қўрқаманки, узоқ яшамайман, шу важдан кескин чоралар кўришга мажбурман.

— Жаноб,— дедим мен,— авваламбор ишончингиз учун миннатдорлик билдиришимга ижозат этинг. Мен бу ишончингизни оқлаш учун диққатингизни бир нарсага жалб этмоқчиман, сиз кўрадиган тадбирлар кенжа фарзандларингизни бахтсиз қиласди, ахир улар ҳам сизнинг номингизда-ку. Борингки, хотинингиз сизнинг олдингизда гуноҳкор бўлсин, лекин сиз барибир уни қачонлардир севгансиз, шунинг учун унинг болалари маълум даражада таъминланишга ҳақли. Мен сизга шуни айтиб қўяй, бордию уларнинг улуши аниқ қўрсатилмаса, сиз менинг зиммамга юклаётган фахрли мажбуриятни ўз устимга ололмайман.

Граф сесканиб кетди, кўзларига ёш қалқидио қўлимни маҳкамсиқиб деди:

— Мен сизни яхши билмаган эканман. Сиз менга ҳам озор бердингиз, ҳам хурсанд қилдингиз. Ҳа, қарши тилхатнинг биринчи моддасидаёқ у болаларга қанча улуш акратишни таъкидлаша керак.

Мен уни конторамнинг эшигигача кузатиб чиқдим, шунда унинг чиройиadolатли иш қилгани учун қониққанидан порлаб кетганини кўрдим. Мана, Қамилла, ёш жувонлар тайғончоқ йўлдан жаҳаннамга шундай қулақ кетишлари мумкин. Баъзан зиёфатларда биргина рақсга тушишу фортельяно ёнида қўшиқ айтиш ва шаҳар ташқарисида сайд қилиш ўғланмайдигай бахтсизликка олиб келиши мумкин. Манманлик овозига қулоқ осиб, ёшликтининг ҳавойи истаклари гирдобига ўзларини отиб, бунга уларнинг ўzlари талпинадилар! Аёл маълум чегарадан чиқса бас, у албатта уч фурия-

га¹ рўбарў бўлади, буларнинг номи -- шармандалик, пушаймон, муҳтоҷлик — ана шундан кейин...

— Боёқиш Камилла, кўзлари юмилиб кетяпти,— деб гап қистирди виконтесса Дервилнинг сўзини бўлиб.— Бора қол, қизим, ўрнингга ёт. Қўрқинчли воқеалар билан сени қўрқитишнинг ҳожати йўқ, сен шундоғам покдомон, олиҳиммат бўлиб қоласан.

Камилла де Гранлье онасининг муддаосини тушуниб ҳонани тарк этди.

— Сиз жуда ошириб юбордингиз, қимматли Дервиль,— деди виконтесса.— Ишончли вакил ҳар ҳолда она ҳам эмас, воиз ҳам.

— Лекин газеталар бундан минг чандон бўрттириб ёзади...

— Азизим!— деди виконтесса таажжубга тушиб.— Чиндан ҳам сизни таниёлмаямсан! Наҳотки сиз менинг қизимни газета ўқиди, деб ўйласангиз? Давом этинг,— деб қўшимча қилди у.

— Графнинг мол-мулки Гобсек қўлига ўтганлиги ҳақидағи васиқаннинг тасдиқланганига уч ойдан кўпроқ вақт ўтди...

— Энди графнинг исм-шарифини очиқ айтсангиз бўлади, қизим йўқ бу ерда, унинг исми де Ресто,— деди виконтесса.

— Жуда соз,— деди ишончли вакил рози бўлиб.— Орадан бир қанча вақт ўтди, лекин мен олди-сотди ҳақидағи муҳим ҳужжатни қўлимга олмадим. Ахир у менда сақланиши лозим эди-да. Парижда адвокатларни кундалик ташвишлар шундай банд этадики, улар ўз мижозларининг ишларига ҳожатмандларнинг ўзлари каби кўп вақт ажратолмайдилар. Истисно сифатида баъзи ишларнигина биз ўришлатамиз. Аммо, ҳар қалай, бир куни Гобсекни уйимда меҳмон қила туриб, мен ундан, хабарингиз йўқми, негадир жаноб де Рестодан ҳеч дарак йўғ-а, деб сўрадим.

— Бунга жиддий сабаблар бор,— деб жавоб берди чол.— Граф ўлим тўшагида ётибди. Кўнгли нозик одам. Бундайлар ғам-ғуссага бардош беролмайдилар, ғам-ғусса уларни гўрга тиқади. Ҳаёт — мураккаб, оғир ҳунар, унга ўрганиш учун тиришиш керак. Ҳаётни билган одам, унинг оғусини тотиганида юрагининг пай толаси чиниқади, пишиқ бўлади, бу унга ўз таъсиричанлигини идора қилишига имкон беради. Асаблар унда пўлат пружинадан қолишмайди, қайиладио синмайди. Боз устига ҳазм қилиши яхши бўлса, бундай одам Ливан кедрлари каби узоқ умр кўради. Ажойиб дараҳтлар-да ўзиям.

— Наҳотки граф ўлса?— деб хитоб қилдим мен.

— Ким билади тағин,— деди Гобсек.— Унинг мероси ҳақидағи иш сизга наф келтиради.

¹ Фурия — қадимги Рим мифологиясида — қасос оловчи илоҳий-лардан бири. (Тарж.)

Мен меҳмонга қарадим ва унинг нияти нималигини билишга ҳаракат қилдим.

— Менга шуни тушунтириб берсангиз, малол келмаса, нима учун ҳамма одамлар ичидан менгаю графга ҳамдардлик кўрсатдингиз?

— Чунки фақат сизларгина ҳеч қандай найрангсиз менга ишондингиз.

Гарчи бу жавоб қарши тилхат йўқолган тақдирда ҳам Гобсек ўз мавқеини суйистеъмол қилмайди, деган гапга мени ишонтиrsa-да, барибир графни бориб кўришга жазм қилдим. Қандайдир ишни баҳона қилиб уйдан Гобсек билан бирга чиқдим. Гельдер кўчасига кўз очиб юмгунча етиб келдим. Мени графикя кичик болалари билан кўнгил очиб ўтирган меҳмонхонага олиб кирдилар. Уй хизматкори мен келганимни хабар қилганида у сапчиб ўрнидан турди, бир кўнгли истиқболимга пешвоз чиқмоқчи ҳам бўлди-ю, бироқ бу аҳдидан қайтиб ўтириди ва индамай камин олдидаги курсини кўрсатди. Дарҳол у худди чеҳрасига ниқоб тутгандек бўлди, одатда оқсуяк аёллар ўз эҳтиросларини шундай усталик билан яширадилар. Бошидан кечирган кўргиликлар унинг ҳуснига раҳна соглан, бироқ чеҳрасининг гўзал тарҳлари унинг аввалги латофатию чиройини билдириб тураг эди.

— Графда муҳим гапим бор эди: у билан, хоним, суҳбатлашсам дегандим.

— Бунинг уддасидан чиқолсангиз, мендан баҳтлироқ экансиз,— деб луқма ташлади графикя менинг гапимни бўлиб.— Граф ҳеч кимни кўришни истамайди, врачнинг келиши ҳам унга малол келади, ҳар қандай меҳрибонликдан, менинг ғамхўрлигимдан ҳам бош тортади. Беморлар ўзи ғалати бўлишади. Улар худди болалардек нима исташларини яхши билишмайди.

Графиня шолғомдек қизариб кетди. Мен эсам Гобсекка ўхшаб қўрс гапириб юборганимни ўйлаб пушаймон едим ва суҳбат мавзуини ўзгартиришга ошиқдим.

— Ҳар ҳолда, bemorни ҳаммавақт ёлғиз қолдирмаслик керақ,— дедим ва унга диққат билан тикилдим.

Бироқ бу сафар у қизармади, назаримда менга сирини ошкор қилишни истамасди.

— Тушунинг ахир, хоним,— деб яна гап бошладим,— менинг саркашлигим шунчаки қизиқсинишдан эмас. Гап муҳим моддий манфаатдорликда...

Шундай дедиму нотўғри йўлдан кетаётганимни фаҳмлаб тилимни тишлиб қолдим. Графиня лақмалик қилганимдан дарров фойдаланди.

— Эр билан хотиннинг манфаати бир-ку.

— Маъзур тутасиз, мен бу ерга фақат графга алоқадор иш билан келганман,— дедим мен эътиroz билдириб.

— Мен ҳозир буюраман, гаплашмоқчи эканлигингизни унга хабар қилишади.

Гарчи графиня бу гапни очиқ чирой ва хушмуомалалик билан айтган бўлса-да, мен у ўла қолса ҳам мени эрининг ёнига қўймаслигини англадим.

Биз яна бир оз майда-чуйда нарсалар ҳақида гаплашдик. Мен бу вақт ичиди дикъат билан уни кузатиб турдим. Графиня барча аёллар каби қандай иш тутишини ўйлаб, режа тушиб олди-ю, аёлларгагина хос хиёнаткорликнинг олий на-мунасини ифода этувчи бу режасини жуда усталик билан яширди. Айтиш даҳшат, мен унинг қўлидан ҳар нарса, ҳатто жиноят қилиш ҳам келиши мумкинлигидан хавфсирадим. Ахир ҳар бир имо-ишорасидан, нигоҳидан, ўзини тутишидан, гап оҳангидан келажакда ҳоли нима кечишини билганлиги се-зилиб турарди. Мен у билан хайрлашиб чиқиб кетдим... Эн-ди мен сизга кейинчалик ошкор бўлган баъзи тафсилотларни илова қилган ҳолда бу драманинг охирги саҳнасини сўз-лаб бераман. Дарвоқе, бу тафсилотларни ер тагида илон қимирласа биладиган Гобсек икковимиз аниқладик. Граф де Ресто ўзини айш-ишрат уммонига отиб, мол-дунёсini елга совура бошлагач, эр-хотин орасида ўзгаларнинг назаридан чегда жанжаллар бўлиб турган, булар граф хотинидан яна қўпроқ нафратланишига сабаб бўлган. У қаттиқ оғриб, кўр-па-тўшак қилиб ётиб олгач, хотинига ва кичик фарзандлари-га нафрати аланга олиб кетди: ётоғига киришни уларга та-қиқлаб қўйди, бордию бу тартибни бузишса, ҳаётি учун хавфли шундай тутқалоқ тутиб қолардики, врачнинг ўзи, эрингизнинг амрига бўйсунинг, деб графиняга илтижо қил-ди. Графиня де Ресто оиласвий мол-дунёси, мулки, фермаси, ҳатто ўзи яшаб турган уй кўзига афсонавий сеҳргар, бутун бойлигини ютиб юбораётган юх бўлиб кўринадиган Гоб-секнинг комига кириб кетаётганини кўриб эрининг нияти бузуқлигини фаҳмлади. Де Трай кредиторларнинг таъқиби-дан қутулиш учун Англияда саёҳат қилиб юарди. Факат угина судхўр графга графинядан ўзини ҳимоя қилиш йўли-ни ўргатганини, кўрилган яширин чора-тадбирларни осонгина тушунтириб бериши мумкин эди. Айтишларича, у узоқ вақт имзо чекишдан бош тортиби, бу эса, бизнинг қонунларга қў-ра эр-хотиннинг мол-мулки сотилганида зарур. Аммо граф бир амаллаб унинг розилигини олган. Графиня граф ўз мол-мулкини пулга айлантиради ва жарақ-жарақ пуллар қандай-дир нотариуснинг яширин шкафида ёки банкда сақланади, деб тасаввур қилган эди. Унинг мўлжалича, жаноб де Рес-тонинг қўлида шундай ҳужжаг бор эдикни, тўнгич ўғли бу билан меросдан чекига тушган улушкин ўндира олиши мум-кин эди. Шу боис у эрининг ётоғини мижжа қоқмай кузатиш-га жазм қилган эди. Уйда у ягона ҳокима эди ва ҳаммани ўзининг жосусига айлантирганди. Уззукун у эрининг ётоғи

олдидаги меҳмонхонада унинг ҳар бир сўзига, шитир-шитирига қулоқ солиб ўтирас, кечаси эса унга шу ернинг ўзига жой солиб беришар, лекин у мижжа қоқмас эди. Врач батамом унинг тарафида эди. Унинг эрига сохта садоқати ҳаммани ҳайратга соларди. Бевафолик ва ҳийлакорлик қон-қонига сингиб кетган бу жувон эри нима сабабдан жирканишини изҳор этганини яшириб, ўзини беҳад ғам-алам чекаётган мотамсаро кўрсатиб, эл оғзига тушиб. Одоб-ахлоқ бобида ўзларини покдомон ҳисоблайдиган аёллар, у ўз гуноҳини ювди, деб топишди. Бироқ унинг кўзи ўнгидаги нуқул муҳтоҷлик туар, лаванглик қйлса гўё қашшоқлик гиппа томогидан оладигандек тююлар эди. Эри ўлим тўшагида инграб ётган ерида уни ёнидан қувган. Энди хотин эрининг атрофини сирли доира билан ўраб олган эди. У эридан ҳам йироқ, ҳам яқин эди, барча ҳақ-ҳуқуқлардан маҳрум эса-да, қудратли, ўзини вафодор хотин қилиб кўрсатарди, бироқ унинг ўлими ни кутар ва бойлигини қўлга киритишини хоҳларди. У баайни қумда ин ковлаб, ҳар бир қум заррасининг тўкилишига қулоқ тутиб, ин тубида ўлжа пойлаб яшириниб ётган ҳашоратга ўхшарди. Энг қаттиққўл адаб ўргатувчи ҳам чор-ночор графиняни меҳрибон она деб эътироф этган бўларди. Айтишларича, отасининг ўлими унга сабоқ бўлибди. У болаларини жон-дилидан суръ ва ўзининг нопок ҳаётини улардан яширап эди; норасида болаларни чалғитиш ва улар кўзига ўзини оппоқ кўрсатиш қийин эмасди, у болаларига жуда яхши таълим ва тарбия берди. Тан бераман, мен бу аёлга ҳайрат ва ўқинч билан қарадим, бу қилиғим учун Гобсек яқингинада менга тегажоқлик қилар эди. Шу кезларда графиня Максим де Трайнинг фирибгарлигига иқрор бўлди ва аччиқ кўз ёшлари билан аввалги гуноҳларини юва бошлиди. Аминманки, эрининг мол-мулкини эгаллаб олиш учун Қилган ишлари албатта разилона бўлса-да, барбири бунга уци оналик муҳаббати, улар олдидаги гуноҳини ювиш истаги ундан ган эди. Жўшқин муҳаббат завқ-шавқини бошидан кечирган ҳар қандай аёл-сингари эндиликда у сидқидилдан эзгуликка интиларди. Эҳтимол у айш-ишратда кечирган ҳаётининг са-мараси бўлмиш аччиқ мевани тотиб кўргачгина эзгуликнинг қадрига етган эди. Ҳар сафар катта ўғли Эрнест отасининг хонасидан чиққанида графиня уни сўроқقا тутар, илондек авраб граф нима қилганини, нима деганини сурништирад эди. Ўғли: онам отамни чексиз севгани учун суриштиряпти, деб ўйлаб, унинг саволларига бажонидил жавоб берарди. Менинг боришим графиняни саросимага солиб қўйди, у менинг қиёфамда эрининг ғаразли ниятларини амалга оширувчи қора ниятли кимсани кўрди ва мени жон таслим қилаётган эрининг ёнига қўймасликка аҳд қилди. Мен қандайдир корибад бўлганини пайқадим ва қарши тилхатларнинг тақдири ҳақида ташвишланганим учун қандай бўлмасин жаноб де

Ресто билан учрашишга ҳаракат қилдим. Мен бу ҳужжатлар графиняниң қўлига тушиб қолишидан, графиня буларни рўй-кач қилиши мумкинлигидан, оқибатда у билан Гобсек орасида ҳеч тугалмас даъволаниш бошланиб кетишидан хавотир олардим. Мен бу судхўринг феълини яхши билардим, у граф топширган мол-мулкини графиняга бермаслигига имоним комил эди. Лекин фақат ўзимгина ишга тушириб юбора оладиган бу тилхатларда суд можаросини бошлашга сабаб бўлувчи далиллар хийла кўп эди. Бу шўриши ғавғонинг олдини олиш учун мен иккинчи марта графиняникига бордим.

— Мен шуни аниқладимки, хоним,— деди Дервиль виконтесса Гранльєга сирли тусда,— биз кундалик ташвишлар билан бўлиб, етарли аҳамият бермайдиган бир ахлоқий сир бор экан. Мен табиатан кузатувчан бўлганимдан ўзим олиб боришимга тўғри келган, айниқса, одамларда тама ва ғаразгўйлик ўти аланга олган ишларни беихтиёр таҳлил қиласдим. Биласизми, рақибларнинг бир-бирининг яширий фикрларини ва ниятларни билиб олиш бобидаги ажойиб салоҳиятларига бир неча бор амин бўлдим. Баъзан икки рақиб ўта сезгирилик ва шундай фаҳм-фаросат намуналарини на-моиш этишардики, худди ошиқ-маъшуқа бир-бирининг дилидагини билиб тургани каби улар ҳам бир-бирларининг кўнгилларида нима борлигини кўриб-билиб туришарди. Мана, ниҳоят, биз графиня икковимиз холи қолгач, мени унинг кўришга кўзи, отишга ўқи йўқлигини дарров тушундим. Гарчи буни у тавозе ва шод-хуррамлик пардаси билан яширса-да, фаҳмладим. Ахир мен унинг сирларидан беихтиёр воқиф эдим, аёллар эса сирини биладиган одамни ёмон кўришади. У, ҳар қалай, эрининг ишончли вакили бўлсан ҳамки, эри ҳали мол-мулкини менга топширишга улгурмаганини фаҳмлади. Мен ўша куни орамизда бўлиб ўтган гапларни гапириб, бақtingизни олмайман.Faқат шуни айта оламанки, ҳаётимда олиб борган олишувларим ичida энг хавфлиси шу бўлгани аниқ. Кишини йўлдан оздириш бобида табиатнинг барча сехру жодуларидан баҳраманд бўлган бу аёл ўзини gox ройиш, gox манман, gox хушмуомала, gox содда қилиб кўрсатар эди. У ҳатто юрагимда эҳтирос ўтини алангалатиб, мени ром қилмоқчи ҳам бўлди, бироқ барча уриниши зое кетди. Кетишга чоғланганимда кўзлари шундай қаҳру ғазаб билан чақнадики, мен ҳатто қалтираб кетдим. Биз ёвлашиб колдик. У ўзига қолса мени йўқ қилиб юборишга тайёр эди. Мен эсам унга ачинардим, лекин бу тахлит аёлларга ачиниш қаттиқ ҳақорат билан баробар. Бу ачинишни у хайрлашаётганимизда мен назокат билан айтган гаплардан тушунди. Мен унга, ҳар қанча уринманг, барибири ютқазишингиз муқаррар, сизни қашшоқлик кутади, деб тушунтирдим. Чамаси у ваҳимага тушиб қолди.

— Бордию мен граф билан гаплашолганимда, лоақал болаларингизнинг тақдири...

— Йўқ! Унда ҳамма нарсада сизга муте бўлиб қоламан!— деб хитоб қилди у сўзимни бўлиб, нафрат билан қўлини силкитар экан.

Орамиздаги кураш шундай ошкора тус олгач, муҳтожликка гирифтор бўладиган бу оилани ўзим халос қилишга жазм этдим. Бу мақсадим йўлида мен зарур бўлса ҳаттоки юридик жиҳатдан қонунсиз ишлар қилишгача бел боғладим. Мен мана бундай иш кўрдим. Мен граф Рестога қарши иш қўзғаб у Гобсекдан ёлғондака қарз бўлган барча пулни даъво қилдим ва ижро варақаси олдим. Турган гапки, графиня суд қарорини ҳаммадан яширишга мажбур бўлди, бу қарор мэнга граф ўлганидан кейин унинг мол-мулкини хатлаш ҳуқуқини берарди. Кейин мен граф хонадонидаги хизматчилардан бирини ўзимга оғдириб олдим, у хўжайини гарчи тун яримда бўлса ҳамки жон талвасасига тушса, мени хабардор этишга сўз берди. Мен қўйқисдан кириб келиб, ҳозироқ мол-мулкни рўйхатга оламан, деб пўписа қилиб графиняни қўрқитишга ва шу йўл билан графда сақланаётган ҳужжатни сақдаб қолишга бел боғладим. Кейинчалик шуни билдимки, бу аёл ўлаётган эрининг оҳу ноласига қулоқ тутган кўйи «Гражданлар кодекси»ни титкилаган экан. Ўлим тўшагида жон талашиб ётган аламдийдан ўраб олган меросчўрларнинг қалбига назар ташлашнинг иложи бўлганда биз даҳшатли манзарани кўрган бўлардик. Бунда қанчадан-қанча ғараз, тама, макр бор эди. Буларнинг ҳаммаси тағин пул учун! Келинг, бу тафсилотларга чек қўямиз, шундоғам улар бир-биридан жирканч, лекин булар мазкур аёлнинг изтиробларини, эрининг азобларини кўз ўнгимизга келтиришимизга ёрдам беради ва ўзларининг фожиаларига ўхшаш оиласвий фожиаларини яшириб турган пардани кўтаради. Граф де Ресто тақдирига тан бериб хонанишинликда икки ой кўрпа-тўшак қилиб ётди. Бедаво дард секин-аста аъзойи баданий ва онгини барбод этди. У баъзан касалларда учрайдиган ва тушунтириб бўлмайдиган хурмача қилиқлар чиқарди, у хонасини супуриб-сидириши ман қилди. Ҳар қандай хизматлардан возкечди, ҳатто ўрнини қайта солишларига ҳам йўл қўймасди. Ҳамма нарса жонига текканилиги хонадаги жиҳозларнинг тартибсизлигига кўринарди, энг нозик, бежирим буюмларни ҳам чанг ва ўргимчак ини босиб ётарди. Бир вақтлар бой ва нозиктаъб одамга хонадаги тартибсизлигу ифлослик гўё ҳузур бағишаётгандек эди. Бу ерда камин, ёзув столи ва стуллар устида касал учун келтирилган дори-дармонлар ўюлиб ётар, қаёққа қараманг, дорили ёки дорисиз кир-чир шишачалар, ички кўйлаклар, синган тарелкалар кўзга ташланар, камин олдида қолқоқсиз грелка ётар, минерал суви тўкиб ташланмаган ванна туар эди. Бу мудҳиш тартибсизликнинг

ҳар бир бўлагида инсон ҳаётининг емирилиши сезиларди. Ажал одамни томоғидан ғиппа бўғишга тайёрланар экан, кучини буюмларда синааб кўришга қасд қилгандек эди. Кундузги ёруғлиқ графни ваҳимага солгани боисидан дераза эшиклари тақаташ берк турар, нимқоронғиликда хона яна ҳам тундроқ кўринар эди. Бемор чўлдек озиб кетган эди. Фақат унинг ялтироқ кўзларида ҳаётнинг сўнгги учқуни митиллаб турарди. Унинг сўниқ, рангпар юзига ажал соя солгани эди, олдирмай қўйганидан ўсиб кетган узун соч толимлари ич-ичига ботган лунжларига тушиб туриши бу таассуротни кучайтиради. У зоҳидларни эслатарди. Fam-ғусса ундаги барча инсоний туйғуларни сўндирган эди. Ахир у ҳали элликка ҳам бормаган, бир вақтлар бутун Париж уни шукуҳли ву баҳтли одам сифатида кўрган эди!

Бир куни эрталаб, 1824 йил декабрь бошларида, графнинг ўғи Эрнест чуқур ғусса билан отасига тикилиб ўтирган эди. Отаси қимирилаб, унга қарайди.

— Оғрияптими, дада?

— Иўқ,— дейди граф қалбни зирқиратувчи жилмайиб.— Нуқул бу ерим ҳам юрагимнинг таги!

Шуни деб у чиллакдек бармоқларини бошига теккизади, кейин шундай изтиробли боқиб қўлини пачақ кўкрагига босади, ўғли йиглаб юборади.

— Нимага Дервиль келмаяпти-а?— деб сўрайди граф ўз хизматкоридан. Граф уни ўзининг содиқ хизматкори деб билар, аслида эса у тамоман хотини тарафида эди.— Бу қанақаси, Морис?— деб хитоб қилди граф жон берәтиб, сўнг қўзғалиб, тўшакда ўтири: чамаси онги бутунлай тиниқлашган эди.— Кейинги икки ҳафта ичидаги сизни камидаги етти марта ишончли вакилини чақириб келишга юбордим, ҳамон ундан дарак ўйқ. Нима, мени майна қиляпсизми? Ҳозироқ, шу дақиқада бориб уни олиб келинг! Агар бўйин товласангиз, ўрнимдан туриб, ўзим бораман...

— Графиня,— деди камердинер меҳмонхонага чиққач,— графнинг гапини эшитдингизми? Бу ёғи қандоқ бўлди?

— Ҳеч нарса, ўзингизни ўша вакилнинг олдига кетаётган қилиб кўрсатинг, қайтиб келгач, графга, у Париждан қирқ лье¹ нарига муҳим суд мажлисига жўнаб кетибди, деб хабар қилинг. Ҳафтанинг охирида келармиш, деб қўшиб қўйинг.

«Касаллар ўлимлари яқин қолганига сира ишонишмайди. У вакилнинг қайтишини бемалол кутади», деб кўнглидан ўтказди графиня. Куни кеча врач унга, граф бир кунга ҳам бормайди, деган эди. Орадан икки соат ўтгач хизматкор унга кўнгилсиз хабарни етказгач, граф қаттиқ ташвишга тушди.

— Э, худо!— деб шивирлади у.— Бутун умидим сендан!

¹ Лье — Францияда 4,5 километрга тенг қадимги узунлик ўлчови.
(Тарж.)

У ўғлига узоқ тикилиб турди-да, ниҳоят унга бундай деди:

— Эрнест, болагинам, ҳали сен ёшсан, лекин қалбинг тоза, ўлаётган отага берилган ваъданинг муқаддаслигини тушунасан... Сен сир сақлашга, уни қалбингда қаттиқ асрашга, буни ҳатто онангдан ҳам яширишга қодирмисан? Бутун уйда мен эндиликда фақат сенга ишонаман. Менинг ишончими ни оқлай оласанми?

— Ҳа, дада.

— Гап бундай, Эрнест, ҳозир мен сенга муҳрланган конверт бераман: у Дервилга тегиши керак. Уни эҳтиёт қил, яхшилаб яшир, токи унинг сендалигига ҳеч ким шубҳа қиласин. Уйдан ҳеч кимга билдиримай чиққин-да, уни бурчакдаги почта қутисига ташлагин.

— Хўп бўлади, дада.

— Сенга ишонсам бўладими?

— Ҳа, дада.

— Кел, мени ўп. Энди ўлиш менга унча оғир бўлмайди, болажоним. Олти, етти йилдан кейин бунинг қандай муҳим сирлигини биласан, сен фаҳму фаросатинг ва отангга садоқатинг учун тақдирланасан. Ўшанда сени қанчалик севганимга амин бўласан. Энди мени бир зум холи қўй ва ёнимга ҳеч кимни киритма.

Эрнест меҳмонхонага чиқди ва у бу ерда турган онасини кўрди.

— Эрнест,— деб шипшиди у,— бу ёққа кел.— У ўтириди ва ўғлини ўзига тортиб бағрига маҳкам босди-да, меҳр билан ўпди.— Эрнест, отанг сен билан гаплашдими ҳозир?

— Ҳа, ойи.

— Нималар деди у сенга?

— Айтмолмайман, ойи.

— Оҳ, қанчалик ўқтам боласан!— деб хитоб қилди графиня ва уни қизғин ўпди.— Сир сақлай олишиндан қанчалар хурсандман! Одам учун энг муҳим икки қондани ҳеч қачон унутма, булар ёлғон сўзламаслик ва ваъданинг устидан чиқиш.

— Ойижон, намунча яхшисиз-а! Сиз, албатта, ҳаётингизда ҳеч ёлғон сўзламагансиз! Ишонаман бунга.

— Йўқ, Эрнест, баъзида ёлғон гапирганман. Сўзимнинг устидан чиқмаганман, лекин бутунлай ноилож қолган вақтларимдагина шундоқ қилганман. Менга қара, сен катта, ақлли боласан, отанг мени ўзидан четлатаётганини, ғамхўрлигимдан ҳазар қилаётганини ўзинг кўриб турибсан. Бу адолосатизлик. Уни қанчалик севишимни кўряпсан-ку.

— Ҳа, ойи.

— Боёқиши ўғлим,— деди графиня кўз ёшларини шашқатор оқизиб.— Ҳаммасига ёмон одамлар айбдор, улар менга тухмат қилишди, отанг билан мени ажратиб юбормоқчи бўй

лишиди. Чунки бу кишилар ғаразгўй ва баҳилдирлар. Улар бизнинг давлатимизни тортиб олиб, ўзлариники қилмоқчилар. Агар отанг соғ бўлганида орамиздаги жанжал тезда бартараф бўларди, у меҳрибон, мени севади, ўзининг хато қилганини тушунарди. Бироқ касаллик унинг ақлу идрокига раҳна солди, менга бўлган нафрити кўнглида чуқур илдиз отиб, қандайдир телбаликка айланди. Шундан кейин бошқа болаларга қараганда сенга меҳри ошиб кетди. Бу ҳам ўнинг ақли хирадашганини кўрсатади. Ахир ўзинг ҳам у касал бўлишидан әввал Полина билан Жоржни сендан кам севмаганини биласан-ку. Эндиликда ҳамма нарса унинг инжиқлигига боғлиқ. Сенга бўлган меҳру муҳаббати кўнглига ҳар хил гапларни солиши мумкин. Айт менга, у сенга бирор топшириқ бердими? Халоскорим, ахир сен уканг билан синглингни кафангадо қилишни истамайсан, онанг бир бурда нонга зор бўлиб тиланчилик қилишига йўл қўймайсан! Ҳамма гапни айт менга...

— А-а!— деб қичқирди граф эшикни лант очиб.

Яrim яланғоч, чўп-устихон граф бўсағада турарди. Унинг бўғиқ қичқириғи графинянинг ўтакасини ёрди, у эрига қараганча тахта бўлиб қолди, қоқсуяқ, ранги докадек оқ бу одам унга худди гўрдан чиққандек туюлар эди.

— Ҳаётимни ғам-ғусса билан оғулаганингиз етмасмиди, ҳатто тинчгина ўлишимга ҳам қўймайсиз, ўғлимнинг қалбига ёвузлик уруғини сочиб, уни абллаҳ одам қилмоқчи бўласиз!— деб қичқирди у заиф, хирқироқ овозда.

Графиня шу аснода қўрқинчли, жон талвасасида тасқара бўлиб кетган бу чалажон одамнинг оёғига ўзини ташлади, кўзларидан мўлдир-мўлдир ёш оқди.

— Раҳм қилинг! Раҳмингиз келсин менга!— деб фифон чекди у.

— Сиз менга раҳм қилганимидингиз?— деб сўради граф.— Сиз ўзингизнинг мол-мулкингизни совурганингизда мен ғиринг деганим йўқ, энди менинг мол-мулкимни ҳам елга соўрмоқчисиз. Ўғлимни хонавайрон қилмоқчимисиз?

— Майли! Раҳм қилманг, нобуд этинг мени! Болаларга шафқат қилинг!— деб ёлворди у.— Буюринг, мен монастирга кетай ва қолган умримни танҳо ўша ерда ўтказай. Мен бир сўзсиз итоат этаман. Олдингизда гуноҳимни ювиш учун нимани буюрсангиз шуни бажо келтираман. Бироқ болалар... Келинг, лоақал ўшалар баҳтли бўлишсин... Болалар, болалар!..

— Менинг болам битта!— деб хитоб қилди граф жон аччиғида қоқсуяқ қўлларини ўғлига узатиб.

— Кечир! Мен шундай пушаймонман, шундай пушаймонмайки!— деб чинқирди графиня ўлаётган эрининг ориқ, тердан нам оёқларини қуchoқлаб. У оҳу фарёд чекаётганидан тили айланмас, нуқул ғўлдирап эди.

— Ҳали сиз пушаймон еяпсизми?! Ҳозиргина Эрнестга гапирган гапингиздан кейин бу сўзни тилга олишга қандай ҳаддингиз сифди!— деди ўлаётган граф ва уни оёғи билан силтаб ташлади.

Графиня ерда чўзилиб қолди.

— Сизнинг касрингизга совқотдим,— деди граф қандайдир мудҳиш лоқайдлик билан.— Сиз ёмон қиз, ёмон хотин эдингиз, ёмон она ҳам бўлиб қоласиз...

Шўрлик аёл ҳушидан кетди. Чалажон граф бир амаллаб тўшаги олдига борди-да, ётди ва орадан бир неча соат ўтгач ҳушини йўқотди. Кашишлар унинг тавба-тазаруғини қабул қилгани, тасалли бергани келишди. Ярим кечада у жон таслим қилди. Хотини билан қилган даҳанаки жанг унинг батамом дармонини қуритган эди. Мен тун яримда Гобсек билан бирга келдим. Уйдагиларнинг саросимага тушганидан фойдаланиб биз осонгина марҳумнинг ётоги ёнидаги мўъжаз меҳмонхонага ўтиб олдик. Биз бу ерда йиғлаётган болаларни кўрдик; улар билан тунни марҳумнинг жасади ёнида ўтказиш учун қолган иккита кашиш бор эди. Эрнест олдимга келиб, онам марҳумнинг хонасида ёлғиз қолишига истак билдириди, деди.

— Кирманг у ёққа!— деди у. Овозидаги шижоат ва кескин қўл ҳаракати мени қойил қолдирди.— Онам ибодат қиляпти...

Гобсек ўз одатича унсиз кулди, лекин бу йигитчанинг қайфу ва ғазаб акс этган юзи мени ҳаяжонга согланди, теварак-атрофда марҳумнинг либослари, қофозлар, гижимланган латталар сочилиб ётарди. Мурда ётган тўшак ёнида бу тартибсизликни кўриш даҳшат эди. Графнинг жони узилиши биланоқ хотини хонага отилиб кириб, шкафларни, ёзув столининг тортмаларини синдирган, гиламнинг атрофида йиртилган хатларнинг парчалари ёйилиб ётар, қутичалар синдирилган, портфеллар тилимланган— унинг тийиқсиз қўллари ҳамма ерни тит-пит қилган эди. Эҳтимол, унинг қидириши аввалига фойдасиз бўлган, аммо аёлнинг туришига ва ҳаяжонланишига қараб мен охири сирли ҳужжатни топган, деган фикрга келдим. Мен тўшакка қарадиму одатдаги адвокатлик ишларида камолотга етган туйғу билан нима бўлган бўлса ҳаммасини англадим. Граф де Рестонинг жасади чалқанча ётар, боши девор томон каратотдан осилиб қолган эди. Аёл уни бамисли ер билан бир бўлиб ёйилиб ётган кераксиз конвертлардек нафрат билан итқигани шундоқ кўриниб турарди. Мурданинг тўнғиб қолган жасади, керилган қўл-оёқлари даҳшатли ва беўхшов қотиб қолган эди. Турган гапки, жони узилаётган граф умрининг сўнгги дақиқасигача бировнинг тажовузидан асраб қолиши мақсадида қарши тилхатни ёстиғи тагида сақлаган. Графиня ҳужжатлар қаерда сақланишини фаҳмлаган, дарво-

қе, қотиб, чангак бўлиб қолган бармоқлар ҳам буни очиқ кўрсатиб турарди. Естиқ ерга олиб ташланган, унда аёллар туфлисининг изи кўринарди. Гиламда, графиняниңг обёқлари тагида графининг муҳри босилган йиртиқ пакет ётарди. Мен апил-тапил пакетни олдиму пакет устида ўз исмимниңг битилганини кўрдим. Мен графиняга худди жиноятчини сўроқ қилаётган терговчидек ўқрайиб қарадим.

Каминда қофоз парчалари ёниб тугамоқда эди. Биз келганимизни билгач, графиня уларни ўтга ташлаган, зотан, дастлабки сатрларда кичик болаларининг исмларини кўрган ва уларни меросдан маҳрум этувчи ҳужжатни йўқотяпман, деб хаёл қилган эди. Ваҳоланки, менинг қистовим билан уларга мерос бўлиб берилган эди. Эсанкираш ва содир бўлган жиноят олдидаги ваҳима унинг онгини хиралаштирган эди. У жиноят устида қўлга тушганини кўрди, эҳтимол унинг кўзи ўнгига жаллод кундаси пайдо бўлгандир, жаллод қизиган темир билан унинг баданига тамға босаётганини ҳис қилгандир. У ҳарсиллаб нафас олганча чурқ этмай турар, бизлар нима дейишимизни кутиб телбанамо кўзларини лўқ қилганча бизларга тикилар эди.

— Нима қилиб қўйдингиз?— деб зарда қилдим мен олов ямлашга улгурмаган бир парча қофозни каминдан юлиб олиб.— Сиз ўз болаларингизни хонавайрон қилдингиз! Ахир бу ҳужжатлар уларни мол-мулк билан таъминларди...

Графиняниңг оғзи қийшайиб кетди, гўё ҳали-замон юраги ёрилиб ўладигандек эди.

— Хе-хе!— деди Гобсек овози фижирлаб. Бу нидо мис шамдонни мармар устида сургандек эшитилди.

Хийла сукут сақлагач, чол менга парвойи фалак:

— Мабодо сиз бу чол граф сотиб кетган мол-мулкниңг қонуний эгаси эмас, деб графиняга гап уқтиromoқчиидирсиз? Шу дақиқадан эътиборан унинг уйи меники бўлади.

Бошимга худди тўқмоқ билан ургандек бўлишди, мен таажжубдан гарангсиб қолдим. Графиня судхўрга ажабланиб қараганимни пайқади.

— Жаноб! Жаноб!— деб ғўлдиради у бошқа сўз то-полмай.

— Сиз анави васиқани, фидеикомисни кучга киритмоқ-чисимисиз?— деб сўрадим Гобsekдан.

— Эҳтимол.

— Сиз графиняниңг жиноятидан фойдаланмоқчисиз шекилли?

— Тўғри.

Мен эшик томон юрдим, графиня эса, ўзини марҳум ётган тўшак ёнидаги стулга ташлаб зор қақшаб йиғлай бошлади. Гобсек менга эргашди. Кўчада мен индамай бошқа томонга йўл олдим, бироқ у ёнимга келди ва ҳатто қалбим

тубигача назар солмоқчидек менга қаттиқ тикилди. Қейин ингичка, чийилдоқ овозда қичқирди:

— Нима, ҳали мени айбламоқчимисан?

Шу кундан бошлаб биз онда-сонда учраша бошладик. Графнинг данғиллама уйини Гобсек ижарага берди: ёзни худди боёнлардек унинг мулкида ўтказди, у ерда чол ўзини бамисоли хўжайнинг тутди, фермалар қурди. Тегирмонларни ва йўлларни тузатди, дараҳтлар ўтқазди. Кунлардан бир кун уни Тюильри хиёбонида учратиб қолдим.

— Графиня мардонавор ҳаёт кечиряпти,— дедим мен унга.— У ўзини бутунлай болаларига бағишлади, уларга ажойиб таълим ва тарбия берди. Катта ўғли жонон йигит.

— Эҳтимол.

— Менга қаранг, Эрнестга ёрдам беришингиз керак-ку.

— Ёрдам?— такрор сўради Гобсек.— Йўқ, йўқ! Бахтсизлик — энг яхши мураббий. Бахтсизликда у кўп нарсаларни ўрганади, пулнинг қадрига етади, одам танийди, эркак-аёлларнинг қадр-қийматини тушунади, қўйиб беринг, Париж денгизининг тўлқинларида суссин. Моҳир лоцман бўлиб етишгач уни капитанликка кўтарамиз.

Мен бу жумбоқнинг мағзини чақишни истамай у билан хайрлашдим. Гарчи онаси жаноб де Рестога мендан нафратланишни қулоғига қўйса-да ва у маслаҳат сўраб менга мурожаат қилишга бўйни ёр бермаса ҳамки, мен ўтган ҳафта Гобсекнинг уйига бордим. Мен унга Эрнестнинг Қамиллани севиб қолганини айтиб, уни ўз мажбуриятини бажаришга шоширмоқчи эдим, зоро ёш граф ҳадемай балоғат ёшига етиши керак эди. Чол тўшақда ётарди: у кўпдан бери касал, ҳаётининг сўнгги кунларини яшаётган эди. У менга, оёқقا турганимдан кейин ишлар билан шуғулланишга қурбим етса жавобини айтаман, деди. Турган гапки, у қалбida ҳаёт учқуни милтиллаб турар экан, бойлигининг ҳатто бир заррасидан ҳам ажрашни истамасди. Зоро пайсалга солишга бошқа сабаб йўқ эди. Мен унинг касали ўзи ўйлагандан кўра хавфлироқ эканини кўрдим. Ҳаётининг сўнгги кунларида телбаликка айланган унинг очқўзлиги қай даражага етганини кўриш истагида уникида анча вақт қолиб кетдим. У ён-верида бегона одамларни кўришни истамай, эндиликда бутун уйни ижарага олган, унда ёлғиз ўзи яшар, барча хоналар ҳувиллаб ётарди. Унинг ётоғида ҳамма нарса аввалгича эди. Менга таниш жиҳозлар орадан ўн олти йил ўтса ҳамки зинҳор ўзгармаган, ҳар бир буюм гўё ойна тагида сақлангандек бус-бутун эди. Ҳамон ўша оқсоқ, садоқатли аёл илгаригидек зиммасиңга қўйилган бутун вазифани бажарар, рўзгорга қарар, келганилар ҳақида хабар берар, ҳозир, касал ётганида уни парвариш қилас, хўжайнининг олдига чиққанида ногирон эрини эшикка пойлоқчи қилиб қўяр эди. Гобсек жуда заиф бўлса-да, баъзан мижозларни қабул қилас, даромадни

ўзи өларди. Бироқ ишини шундай осонлаштирган эдики, уйдан ташқарида битадиган ишлар учун аҳён-аҳёнда топшириқ билан ногиронни юборишнинг ўзи кифоя эди. Франция Гаити республикасини¹ танигани тўғрисида шартнома тузилганида Гобсекни бу сobiқ колониядаги француз фуқароларининг ер-сувини баҳоловчи ва тугатувчи комиссиянинг аъзоси қилиб тайинлашди. Зотан у Сан-Дамингодаги алмисоқдан қолган ер-сувлар, уларнинг эгалари ва плантаторлари ҳақида ҳадди-ҳисобсиз маълумотларга эга эди. Фаросатли Гобсек шу заҳотиёқ сobiқ ер эгалари билан меросхўрларининг даъволарини кўриб чиқадиган воситачилик ширкати ташкил этиш кераклигини фаҳмлади. Шундай қилиб, у ҳеч қачон сармоя қўшмай бу корхонанинг расмий тузувчилари Вербруст ва Жигонне билан баб-баравар даромад ола бошлади. Чунки унинг тўплаган маълумотлари сармоя қўйишдан ортиқроқ фойда келтиради. Агентлик ғофил, бадгумон ёки ҳуқуқлари асосли эмаслигини билган одамларнинг мол-мулк даъволаридан тушадиган даромадни ўпқондек комига тортарди. Гобсек тугатувчи сифатида йирик плантаторлар билан музокаралар олиб борар, уларнинг ҳар бири ўз ерларининг баҳосини ошириш ёки тезроқ ҳуқуқ олиш учун унга баҳоли қудрат совфа қилишарди. Бу поралар ўз йўлида қўшимча улуш бўлиб, Гобсек қарз мажбуриятларидан ундиrolмаган даромад ўрнини тўлдириши керак эди. Кейин у агентлик орқали мажбуриятларни сув текинга сотиб оларди. Шунингдек, у эгалари Республика секин-аста тўлашибга ишонмай тўловни оз бўлса-да, тезроқ қўлга олишни афзал кўрган мажбуриятларни ҳам арzon-гаровга харид қиласади. Бу катта қаллобликда Гобсек еб тўймас аждаҳо эди. Ҳар куни эрталаб у совфа олар ва худди қандайдир набоб вазири каби бу совфага ҳаёт инъом этсам арзирмикан, деб ўйлаб кўраётгандек уни очкўзлик билан кўздан кечиради. Гобсек нимаики келтиришса, ҳаммасини қабул қиласади, бирор камбагал олиб келган бир сават балиқдан тортиб зиқна одамлар совфа қилган шамларгача оларди. Бундан ташқари бадавлат кишилардан кумуш идиш-товоқ ва савдогарлардан тилла тамакидонлар олар эди. Бу совфа-саломларни қаерга қўйишини ҳеч ким билмасди. Ҳамма унинг уйига нарса келтиради, лекин у ердан ҳеч нарса олиб чиқмас эди.

— Худо ҳаққи, сидқидилдан айтаман,— деди оқсоҷ хотин, менинг эски танишим.— Менимча бўларнинг ҳаммасини ютяпти-ку, лекин ўзига жабр қиласади — чўп-устухон бўп кетди. Худди менинг осма соатимдаги каккудек қорайиб қолди.

Мана, ўтган ҳафта Гобсек меникига ногиронни юборди, у кабинетимга кириб келиб шундай деди:

¹ Франция Гаити республикасини 1825 йилда таниган.

— Юринг, жаноб Дервиль, тезроқ борайлик. Хўжайин жон беряпти. Лимондек сарғайиб кетди, сиз билан гаплашишга илҳақ. Ажал уни кекирдагидан ғиппа бўғди, томоғидан хирқироқ овоз эшитиляпти.

Улаётган чоннинг хонасига кириб ҳайрон бўлиб қолдим, у ичидаги олови йўқ, бир уюм кул тўпланиб ётган камин олдидаги тиз чўкиб ўтиради. У каравотдан түшиб камин олдигача судралиб борган, бироқ орқага қайтишга мажоли етмаган, ёрдамга чақирай деса овози чиқмаган эди.

— Кекса дўстим,— дедим мен унинг ўрнидан туришига ёрдамлашиб ва тўшаги ёнига олиб келиб.— Совқотдингизми? Нега каминни ёқишни буормайсиз?

— Ҳечам совқотаётганим йўқ,— деди у.— Ёқишининг ҳожати йўқ, асло. Сафарим қариби, чироғим,— деди у пича сукут сақлаб меинга хира, сўнинги нигоҳини ташлар экан.— Қаёққа сафар қилаётганимни билмайман аммо бу ердан кетаман. Менда аллақаочон карфология¹ бошланди,— деб иловава қилди у медицина терминини ишлатиб, бу унинг онги тиниқлигини кўрсатарди.— Назаримда бутун хонада олтин думалаб юргандек бўлди, мен уларни тутиб олгани ўрнимдан турдим. Бутун бойлигим энди қаёққа кетади? Уни мен давлат хазинасига қолдирмайман; мен васиятнома ёздим. Уни топгин, Гроций. Мен сени васий қилиб тайинлайман. Гўзал голланд аёлидан қиз қолган. Кунлардан бир куни уни кечқурун Вивъен кўчасида кўриб қолдим. Унинг лакаби — Машъала. Уни қидириб топ, Гроций. Мен сени васий этиб тайинладим. Бу ердан истаган нарсангни ол, еб-ич, менда улар бисёр. Фознинг жигаридан қилинган қиймалар, қоп-қоп кофе, қанд бор. Тилла қошиқларгача бор. Хотининг Одио ясаган сервиздан ол. Бриллиантларни кимга қолдирай? Сен, тамаки ҳидлайсанми, чироғим? Менда ҳар хил навдаги тамакилар сероб. Уни Гамбургда сот, у ерда бир ярим бара-вар қиммат туради. Ҳа, менда ҳамма нарса бор. Энди ҳаммасидан ажралиш керак. Йўқ, йўқ Гобсек ота қўрқоқ эмас, кўнглинг тўқ бўлсин...

У тўшагида сал қўзғалди: унинг юзи оқ ёстиқда бронза рангида кўзга ташланди. У чиллакдек қўлларини чўзиб, қоқсувяк бармоқлари билан адёлни чанглалади. Ўзича уни ушлаб жон сақлаб қолмоқчи бўлди. Кейин ҳиссиз нигоҳи сингари совуқ каминга қаради-ю, эс-хушидан айрилмай жон берди. Оқсоч, ногирон ва менинг кўз олдимизда Летъернинг «Брут болаларининг ўлими» суратидаги консуллар орқасида туришган қадимги рим кексаларининг ҳадик-хавотирли қиёфаси намоён бўлди.

¹ Карфология — улаётган одам қўлларининг беихтиёр ҳаракатланиши.

— Мардонавор жон берди, қари қурумсоқ! — деди ногирон, солдатчасига бурро қилиб.

Менинг қулоғим тагида эса ҳамон жони узилаётган судхўрнинг афсонавий бойилклари тўғрисидаги гапи жарангларди. Шунда мен беихтиёр каминдаги кул уюмига қарадим, чолнинг сўник кўзлари ҳам унга қадалган эди. Бу кул уюмининг катталиги мени ҳайрон қолдирди. Мен оташкуракни олдим-да, уни кул уюмига тиқдим, оташкурак қаттиқ бир нарсага тегди, у ерда бир тўп олтин, кумуш ётарди, чамаси, булар унинг касал ётганида топган даромади эди. Уларни тузукроқ яширишга унинг ҳоли келмаган, бадгумонлиги эса буларни банкка бериб юборишига монелик қилган эди.

— Маҳкамага югурунг! — дедим ногиронга. — Дарҳол ҳамма нарсани рўйхатга олиш керак.

Мени ҳангуманг қилган Гобсекнинг сўнгги сўзларини ва оқсоч хотин айтган сўзларни эслаб иккала қаватдаги эшиклиарнинг калитларини олдим-да, хоналарни кўздан кечирмоқчи бўлдим. Мен очган биринчи хонада чолнинг менга ўйдирма туюлган гапларига жавоб олдим, бу ерда зикналик ҳар қандай мантиқдан холи, мулоҳазасиз эҳтиросга айланishi мумкинлигини кўрдим, бундай мисолларни биз аксари вақт вилоятларда кўрамиз. Марҳумнинг ётоғи ёнидаги хонада чиндан ҳам айнигар қиймалар, ҳар хил озиқ-овқатлар, ҳатто пўпанак босган устриша ва балиқлар уюлиб ётарди. Ҳар хил қўланса ҳидлардан нафасим бўғилиб қолаёзди. Ҳамма нарсаларда қурт ва ҳашаротлар ғужрон ўйнарди. Яқинда олган совғалари ҳар хил катта-кичик яшиклар, улкан чой пачкалари ва қоп-қоп кофелар орасида ётарди. Қамин устида кумуш идишда унинг номига Гаврнинг портлардаги омборларига келган ҳар хил юкларнинг ҳужжатлари сақланарди. Мустамлака моллари: тоўт-тоўп пахта, яшикяшик қанд, бочкачалар тўла ром, кофе, нил бўёғи ва тамакилар бутун бир бозорга арзигулик эди! Уй қимматбаҳо мебелга тўлиб кетган, кумуш буюмлар, чироқлар, суратлар, вазалар, китоблар, ромсиз карнай қилиб ўралган антиқа гравюралар ва ранг-бараңг нодир нарсалар бор эди. Чамаси бу ҳисобсиз қимматбаҳо буюмларнинг ҳаммаси совға қилиб келтирилмаган эди, уларнинг аксарияти сотиб олинмаган гаров буюмлари эди. Мен бу ерда жавоҳирот солинган, бош ҳарфлар ва герб билан безатилган қутичаларни, ажойиб ипак дастурхонларни ва сочиқларни, тамғасиз қимматбаҳо қуролларни кўрдим. Яқингинада китоблар орасидан суғуриб олинган бир китобни очиб, у ерда минг франклик бир нечта қоғоз пулни кўрдим. Шунда мен ҳар бир буюмни, ҳатто энг кичикларигача диққат билан кўздан кечиришга, ҳамма нарсани ағдар-тўнтар қилишга, пол тахтасини, шифтларни, дөвроларни, бўғотларни текшириб, олтин қидиришга жазм этдим. Зоро Рембрандт мўйқаламига лойиқ бу голландиялик

олтинга ҳирс қўйган эди. Мен юридик тажрибамда ҳеч қа-
чон бундай очкўзликнинг инсон характерига уйғунлашиб
кетганини кўрмаган эдим. Марҳумнинг ётоғига қайтиб келиб,
унинг ёзув столида бу бойликларнинг қандай қилиб секин-
аста тўпланганинг тагига етдим. Прессспапье тагида Гоб-
секнинг савдогарлар билан ёзишмалари ётарди, буларга у
одатда мижозлари совға қилган нарсаларни пулларди. У
йиғилиб қолган озиқ-овқатни Шевенинг магазинига сотишни
истамаган, зеро Шеве ўттиз процент нархини туширишни
талаб қилган. У бир неча франк учун талашиб юрганида,
озиқ-овқатлар бузилиб қолган. Кумушлар шунинг учун со-
тилмай қолиб кетганки, Гобсек уларни жойига етказиб бериш
учун кетадиган харажатни устига олишдан бош тортган. Қоп-
қоп кофелар ҳам айниб қолган, чунки тўқилганини чегириб
ташлашни истамаган. Хуллас қалом, олди-сотдига алоқадор
ҳар бир нарса унинг учун тугамас баҳсларга сабабчи бўлган.
Бу унинг болаликка қайтганидан далолат берар эди. Мазкур
ҳол яна шунда кўринардики, у бирор нарсага қаттиқ ҳирс
қўйган, ақли забун барча чолларда бўладиган ёввойиларча
қайсарлик намуналарини кўрсатар эди. Шунда мен ўзимга
ўзим унинг оғзидан эшигтан саволни бердим; бу бойлик ким-
га қолади? Мен унинг ягона меросхўри ҳақида берган ғала-
ти маълумотларни эслаб, уни Париждаги барча ишратхона-
ларни қидириб топишим ва ҳадди-ҳисобсиз бойликни ахлоқ-
сиз аёл қўлига топширишим кераклигини фаҳмладим. Лекин
аввало билиб қўйинг, яқин кунлар ичida граф Эрнест де
Ресто бутунлай ишончли ҳужжатлар асосида мол-мулкига
эга бўлади-ю, мадемуазель Камиллага уйланади, онаси билан
укасига етарли маблағ, синглисига сеп беради.

— Яхши, қадрли Дервиль, биз ўйлаб кўрамиз,—деди де Гранлье хоним.— Бизнинг оиласек оила унинг онаси билан қариндош бўлишга розилик билдириши учун де Ресто жуда бой бўлмоғи даркор. Ёдингизда бўлсин, ўғлим эртами-кечми герцог де Гранлье бўлади. Оиласизнинг икки тармоғининг мол-мулкини бирлаштиради. Мен куёвимнинг ўғлимга муносиб бўлишини истайман.

— Биласизми,— деб сўради граф де Борн.— Рестонинг герби қандай? Тўрт қисми тўққизил ҳошияли, кумуш йўлли, қора крестли жуда қадимий герб.

— Тўғри,— деб тасдиқлади виконтесса,— қолаверса Камилла ўша гербдаги Res tuta¹ни бузган қайноаси билан учрашмаслиги ҳам мумкин.

— Де Босеан хоним уйида графиня де Рестони қабул қилибди,— деб луқма ташлади кекса тоға.

— Йўқ, уни зиёфатга чақирган холос! — деб эътиroz билдириди виконтесса.

¹ Res tuta — ишонч (лотинча.)